

儀禮經傳內編

儀禮經傳內外編序

鶴溪姜子上均潛心經學討尋聖緒而于三禮尤嚴日者梓其周禮輯義禮記章義二書釐發精蘊卓爲世望迺復訂儀禮內外編如干卷而屬余參論其義余惟周禮爲本儀禮爲末此鄭氏說也唐賈氏則曰周禮爲末儀禮爲本夫大學之序自修身齊家放之國與天下竊以此指按此二書蓋賈說爲長而子朱子又嘗曰儀禮禮之根本禮記其枝葉也又曰儀禮爲經禮記乃其義說熙寧罷儀禮而獨存禮記之科棄經任傳其失甚矣由是觀之前之二書姜子旣嚴論定則于此一書更從其期而申討之者良非得已也從古帝王有改制名無變道實以夏后

殷周之盛不聞沿禮襲樂而所以綱紀倫物者後之聖人雖至
精至備其道卒無以易推之百世而下因時制宜不必一一逐
先王之迹要亦由其迹而神明之則貴本親用未嘗不調劑以
得其中况儀禮與周禮皆周公攝政致太平之書雖其委曲繁
重之數行于後者蓋寡而制度之源流本末俾窮經之士因文
考道又端賴是書之存者哉然自漢唐以來旁搜遠紹如韓退
之猶苦儀禮難讀至目爲無所用而第以奇辭奧旨著于篇則
是書蓋不絕如綫而先聖之大經大法所恃以在人而未墜于
地者獨幸于朱子修明禮傳一本儀禮爲經分章附疏以通其
義庶學者有所折中而惜乎大綱已具其書猶有闕而未成者

豈天不欲永經緒之傳與亦將有所待與妻子生于五百餘歲之下考求而載賡之其于先哲之遺緒蓋切以至方今道化翔洽禮教昌明所爲因時制宜以宰世而善俗者誠不徇儀文末迹而世有考道之儒經經緯傳本末粲然以仰副

聖朝尊經崇道之心此望道如某者之所拜手而敬書其端也

雍正癸丑七月既望已山王步青序

儀禮經傳內外編目錄序

右今存儀禮經自士冠至少牢凡十四篇內士喪禮少牢禮又各離爲二篇凡十六篇并今所採補之經傳如干篇是爲儀禮內編而喪服一篇則與所採補之如干篇別爲儀禮外編編之分內外何也本儀禮而分之也分編之爲本儀禮何也古無周禮儀禮之名按漢書藝文志稱禮古經五十六卷經十七篇是爲經而記百三十三篇王史氏二十二篇曲臺后倉九篇明堂陰陽說五篇是爲傳皆不名儀禮也又周官六篇爲經而周官傳四篇爲傳亦不名周禮也永嘉張淳蓋以謂漢初未有儀禮之名疑後世學者見十七篇禮儀遂因以名之由是以推則儀

禮之得名本于升降揖讓動作威儀之所發而爲名故十六篇
及凡所補之屬爲內編而喪服篇及凡所補之屬乃所以行是
儀禮之具而與其發見于升降揖讓動作威儀之間者則有間
矣故爲外編也蓋嘗論之人自有生以來理與氣俱其所乘于
二五之精者謂之氣而所以宰乎其中而爲無極之真者謂之
理是理也蘊于心而爲健順五常之性措于身而爲秩敘五品
之道播于家國天下而爲紀綱法度一切百爲萬化之教是理
固無精麤內外之間而先儒以謂體用一原顯微無間者此也
溯自周文公本至德翊大化其見于書闡性命者莫深于易象
正道行者莫切于儀禮廣教化者莫備于周官三書天德純王

道薄言體而用具言用而體存凡中庸之性命道教大學之綱
領條目皆源流于此而秦漢以後聖學失傳性其所性而淪虛
寂道其所道而涉作用教其所教而趨法術先聖之全體大用
或幾熄矣雖有宋興儒輩出遞相推發然今考五經四子訖易
通易傳本義諸書備顯于宋而三禮之學其粗者踏駁而不純
其精者闕畧而未備逮朱子與其徒勉齋實通為儀禮經傳而
純釋遺訓其成猶有待于方來况其他率為義疏者乎恭遇

盛朝

聖明繼作申命侍從大臣率海內賢駿之儒闡道右文翼經明傳凡
所以建中和之極而振道法之紀者固赫乎震古而燦今矣而

錫叨沐禮官涵濡之澤垂數十載于十三經中尤研三禮已將
周禮禮記諸書就正有道而茲編實奉朱子遺訓以其所編家
鄉邦國王朝之禮用勉齋喪祭二禮之例以通之不襲其迹而
師其意雖極知僭踰無所逃罪而區區稟先儒以述先聖之
意或手

昭代教化翔洽道法昌明之會不致背違云爾

雍正乙卯孟夏朔

丹陽姜兆錫序

儀禮經傳內編目錄

卷第一

嘉禮一

冠昏之禮一之一

士冠禮

諸侯世子冠禮

王世子冠禮

凡冠遭喪禮

大夫冠禮

諸侯冠禮

王冠禮

凡女笄禮

卷第二

士昏禮

諸侯世子昏禮

王世子昏禮

凡昏遭喪禮

大夫昏禮

諸侯昏禮

王昏禮

凡侯王下嫁禮

卷第三

附凡出妻禮

家人禮

凡胎教禮

凡立儲禮

發室禮

凡進御禮

凡生子禮

凡世子禮

卷第四

飲食之禮一之二

士族飲禮

諸侯族飲禮

侯國族飲酒禮

侯國黨飲酒禮

侯國州飲酒禮

侯國鄉飲酒禮

大夫族飲禮

王族飲禮

王國族飲酒禮

王國黨飲酒禮

王國州飲酒禮

王國鄉飲酒禮

卷第五

士族食禮

諸侯族食禮

大夫相食禮

王大夫食侯國聘大夫禮

大夫族食禮

王族食禮

大夫食聘大夫禮

諸侯食大夫禮

諸侯食聘大夫禮

諸侯食王聘大夫禮

諸侯相食禮

王食聘大夫禮

王食大夫禮

王食諸侯禮

王食牧伯禮

王食國賓禮

諸侯膳食禮

王膳食禮

外侯王賜食大夫禮觀

卷第六

饗燕之禮一之三

大夫相饗禮

大夫饗聘大夫禮

王大夫饗侯國聘大夫禮

諸侯饗大夫禮

諸侯饗聘大夫禮

諸侯饗王聘大夫禮

諸侯相饗禮

王饗聘大夫禮

王饗大夫禮

王饗諸侯禮

王饗牧伯禮

王饗國賓禮

侯國饗士庶子禮

王國饗士庶子禮

侯國饗耆老孤子禮

王國饗耆老孤子禮

侯國饗工禮

王國饗工禮

大夫相燕禮

大夫燕聘大夫禮

王大夫燕侯國聘大夫禮
諸侯燕大夫禮
諸侯燕王聘大夫禮
王燕聘大夫禮
王燕諸侯禮
王燕國賓禮

王大夫燕諸侯禮
諸侯燕聘大夫各禮
諸侯相燕禮
王燕大夫禮
王燕牧伯禮

卷第七

賓射之禮一之四

士故舊朋友射禮
諸侯故舊朋友射禮
侯國州射禮
侯國鄉射禮
侯國學射禮

大夫故舊朋友射禮
王故舊朋友射禮
王國州射禮
王國鄉射禮
王國學射禮

卷第八

侯國澤射禮
王國澤射禮

侯國射宮大射禮
王國射宮大射禮

卷第九

士大夫相燕射禮

諸侯燕大夫射禮

諸侯相燕射禮

王燕諸侯大夫射禮

士大夫相燕投壺禮

諸侯燕大夫投壺禮

諸侯相燕投壺禮

王燕諸侯大夫投壺禮

脰臠之禮一之五

士大夫相致胙禮

士大夫祭致胙禮

士大夫攝祭致胙禮

諸侯致脰臠于大夫禮

諸侯相致脰臠禮

諸侯致脰臠于王禮

王致脰臠于大夫禮

王致脰臠于諸侯禮

賀慶之禮一之六

士大夫相賀慶禮

士大夫賀慶于君禮

諸侯慶賀于大夫禮

諸侯相慶賀禮

諸侯賀慶于王禮

王賀慶于大夫禮

王慶賀于諸侯禮

軍禮二

目錄

卷第九

三

大封之禮二之一

建王都禮

建家邑禮

建侯邦禮

大均之禮二之二

王國均賦禮

侯國均賦禮

大田之禮二之三

里社田禮

置社田禮

國社田禮

大社田禮

侯國時田禮

侯國師田禮

諸侯田禮

王國時田禮

王國師田禮

王大田禮

大役之禮二之四

家邑工役禮

侯邦工役禮

王都工役禮

大師之禮二之五

司馬講閱禮

王講閱禮

諸侯講閱禮

王命討禮

王親征禮

王命禦寇禮

凱旋禮

飲至禮

告捷禮

卷第十

賓禮三

朝覲之屬之禮三之一

內軍嘉三禮皆舉綱統目而吉賓二禮皆第舉目故賓禮約以朝若聘之

屬統之而吉禮約以人自天神地示之屬統之詳見綱領及本卷

士始相見禮

大夫始相見禮

士大夫繼相見禮

諸侯相朝總禮

諸侯為賓約禮

諸侯待賓約禮賂謝

士始見大夫禮

士繼見大夫禮

凡始見君禮

士大夫朝君禮

凡燕見于君禮

凡賜食禮

凡侍坐于君子禮

諸侯始朝王禮

諸侯春朝禮

諸侯夏宗禮

諸侯秋覲禮

諸侯冬遇禮

諸侯會同朝王禮

王始受朝禮

王時巡受朝禮

諸侯膳天子禮

先生異爵者就見禮

君就見百年者禮

君就見賢者禮

君就見臣禮

卷第十一

聘問之屬之禮三之二

士相問禮

大夫相問禮

士大夫待問使禮

諸侯相聘總禮上

卷第十一

諸侯相聘總禮下

聘禮喪禮

聘使為國客約禮

主國待國客約禮

凡卑幼問尊長禮

士問大夫禮

諸侯問王禮

諸侯視王禮

王待聘大夫禮

凡尊長問卑幼禮

大夫問士禮

王侯問卿大夫禮

王偏存諸侯禮

王偏省諸侯禮

王偏視諸侯禮

諸侯待王聘大夫禮

卷第十三

凶禮四

喪禮四之一

士養疾禮

大夫養疾禮

諸侯養疾禮

王養疾禮

士喪禮上

卷第十四

士喪禮下

上士喪禮

卷第十五

大夫喪禮

諸侯喪禮

卷第十六

王喪禮

王正位禮

諸侯顧命禮

王顧命禮

義服斬衰各喪禮

降正義齊衰各喪禮

降正義大功各喪禮

降正義小功各喪禮

降正義總麻各喪禮

宗族弔禮

閭里弔禮

友朋弔禮

老幼弔禮

婦女弔禮

士相弔禮

大夫相弔禮

諸侯相弔禮

大夫君弔其臣禮

諸侯弔大夫士禮

夫人弔大夫士禮

王弔大夫士禮

王弔諸侯禮

后弔大夫士禮

后弔諸侯禮

卷第十七

士虞禮

諸侯虞禮

士卒哭禮

諸侯卒哭禮

士大夫侯王各祔禮

士大夫侯王各祔禮

凡忌日禮

大夫虞禮

王虞禮

大夫卒哭禮

王卒哭禮

士大夫侯王各練禮

士大夫侯王各禘禮

卷第十八

奔喪禮

在喪遺喪禮

荒禮四之二

士荒禮

諸侯荒禮

大夫荒禮

王荒禮

弔禮四之三

此禍黃相弔也

士弔禮

諸侯弔禮

大夫弔禮

王弔禮

目錄

卷前

木

贈禮四之四

士贈禮
諸侯贈禮

大夫贈禮
王贈禮

恤禮四之五

士恤禮
諸侯恤禮

大夫恤禮
王恤禮

吉禮五

享人鬼禮五之一

士特牲饋食禮

卷第十九

大夫少牢饋食禮上

卷第二十

大夫少牢饋食禮下

王大牢饋食禮

大夫特祠特禴特嘗特烝各禮

大夫士省祫禮

諸侯祫禴禴嘗祫烝各禮

王祫禴禴嘗祫烝各禮

王大祫禮

適士禴壇禮

諸侯禴壇禮

諸侯月祭禮

士祭殤禮

諸侯祭殤禮

凡庶子祭宗廟禮

王告朔禮

大夫四時薦新禮

王四時薦新禮

諸侯祭先聖先師禮

國祭功臣禮

祭先王禮

祭馬祖禮

諸侯大牢饋食禮

士特祠特禴特嘗特烝各禮

諸侯特祠特禴禮

王特祠禮

諸侯大祫禮

王禴禮

大夫禴壇禮

王禴壇禮

王月祭禮

大夫祭殤禮

王祭殤禮

諸侯告朔禮

士四時薦新禮

諸侯四時薦新禮

王祭前代帝王禮

王祭先聖先師禮

祭先祿禮

祭先蠶禮

祭先牧禮

祭馬社禮

祭馬步禮

卷第二十一

祀天神禮五之二

諸侯迎四時禮

諸侯祭四時禮

諸侯迎寒暑禮

諸侯祭寒暑禮

諸侯祭司寒禮

侯國祀司民司祿禮

凡貞歲禮

諸侯祈年禮

鄉雩禮

王雩禮

安宅禮

王祀四類禮

王祀四望禮

大饗五帝禮

王迎四時禮

王祭四時禮

王迎寒暑禮

王祭寒暑禮

王祭司寒禮

王國祀司民司祿禮

大夫祈年禮

王祈年禮

諸侯雩禮

贈凶荒札喪禮

諸侯祀四類禮

諸侯望祀禮

分祀五帝禮

大旅上帝及四望禮

明堂祀上帝禮

圓丘祭天禮

祭地示禮五之三

士歲祭五祀禮

諸侯歲祭五祀禮

鄉大雉禮

王雉禮

冬贈麥禮

侯國蜡禮

家邑方祀之屬禮

王祭四方之屬禮

王祭山林川澤禮

州里祭社稷禮

諸侯祭社稷禮

王方澤祭地禮

總凡享祀祭遭喪變禮

為尸遭喪禮

大夫歲祭五祀禮

王歲祭五祀禮

國饗禮

凡侯祫禱祠禮

鄉邑蜡禮

王國大蜡禮

諸侯方祀之屬禮

諸侯祭山林川澤禮

特祭五嶽禮

家邑祭社稷禮

王祭社稷禮

凡祭遭喪凡變禮

功祭遭喪禮

卷第二十二

目錄

卷首

卷末

因事之祭五之四

士大夫受命祭禮

王卽位祭禮

諸侯封國祭禮

卿大夫問聘祭禮

王巡狩會同祭禮

田獵祭禮

征伐祭禮

凡國故祭禮

星變禱禮

川竭禱禮

旱災禱禮

火災禱禮

麥兆祭禮

喪葬祭禮

凡享祀祭祭先蠟禮

大廟祭侯禮

諸侯受命祭禮

上立君祭禮

王建都祭禮

諸侯朝見會同祭禮

盟誓祈禮

講閱祭禮

大故祭禮

日食禱禮

山崩禱禮

凡天地變異祭禮

水災禱禮

凡天地災傷禱禮

疾病禱禮

凡事物變異禱禮

鄉射祭侯禮

類祭之事五之五

士饗宗廟禮

大夫饗宗廟禮

諸侯饗宗廟禮

王饗宗廟禮

凡饗五祀禮

凡饗內外壇壝禮

凡饗庫廡禮

凡饗器物禮

凡祓除饗浴禮

因祭之事五之六

士還廟禮

大夫還廟禮

諸侯還廟禮

王還廟禮

凡還壇壝禮

諸侯耕籍禮

王耕籍禮

諸侯夫人躬桑禮

王后躬桑禮

諸侯養牲禮

王養牲禮

卷第二十三

五禮後附

庶民入小學禮

國子入小學禮

國子暨民俊入大學禮

弟子職禮

凡小學大學簡升禮
諸侯元年即位禮

世子豫教禮
王元年即位禮

儀禮經傳外編目錄

卷第一

本經一篇

喪服上

卷第二

喪服下

補經一篇

喪服補

卷第三

採經四篇

證法

書

夏小正

提機經

按外篇僅存喪服採補蓋繁今約列數篇如右餘以戴記及凡經傳可輔儀而行者推之今不具錄說見後

左附五禮

分合圖考

圖考

一嘉

合卺設饌圖

燕禮席位圖

燕射之屬樂章圖考

凡燕射之屬奏樂考

公食大夫禮陳饌圖

大射樂縣圖

燕射之屬納工圖考

圖考

二禮

兵農合一圖

鄉官軍將合一圖

圖考三

禮

凡賓主升堂考
歸賓饗餼圖

凡堂上賓主授受考

卷第四

圖考四

禮

本宗五服圖

婦人夫黨五服圖

為人後者為其本宗服圖

女子子適人者為本宗服圖

本宗為女子適人者服圖

丈夫婦人為宗子服圖

已為母黨服圖

母黨為已服圖

已為妻黨服及妻黨為已服圖

姊妹妹女子子之子及內外兄弟報服圖

王侯正統服圖

諸侯旁期服圖

大夫旁期服圖

臣為君服圖

臣從君服圖

君為臣服圖

妾為君黨服圖

公卿大夫士為妾服圖

五服降正義衰冠及受服衰冠升數綱領考

五服降正義齊衰升數條目考

始死變服圖考

將小飲變服圖考

小飲後變服考

小飲後夷堂變服圖考

殯後男子成服圖考

殯後婦人成服圖考

改葬反哭虞卒哭變服考

男子卒哭受服圖考

婦人卒哭受服圖考

男子小祥受服圖考

婦人小祥受服圖考

大祥服圖考

禭服圖考

五服遭喪易服圖考

圖考五

吉禮

郊禘祖宗異同考

禘祫異同考

朝踐禮次考

圖考六

後附

凡教法異同考一

凡教法異同考二

卷第五

圖考七

五禮總

凡卜泄陳貞命作者

凡設尊考

凡陳罔考

凡品物器用之數考

凡筮曰贊命考

凡設洗考

凡罔俎之實考

儀禮序論六則

前三則通解原文
後三則今補入

漢書藝文志曰禮古經五十六卷經十七篇記百三十一篇明堂

陰陽三十三篇王史氏二十一篇曲臺后倉九篇明堂陰陽說五

篇周官六篇周官傳四篇

此通解首即藝文志之文以約禮之經
傳之名也禮古經五十六卷見後文十

七篇本注云后氏致氏之禮即今存儀禮也十七舊作七十臨江
劉敞云當作十七計其篇數則然通解以劉說正之永嘉張淳云
漢初未有儀禮之名旋後漢學者見十七篇中有儀有禮遂合而
名之也百三十一篇蓋七十子後學所記三十三篇古明堂之遺
事也二十一篇亦七十子後學者記之九篇如淳云行禮射于曲
臺后倉為記故名曰曲臺記也五篇未詳蓋解說三十三篇中之
文六篇王莽時劉歆置博士習之師古云即今周禮
五官亡其冬官以考工記克之也其傳四篇亦未詳

劉歆曰易曰有夫婦父子君臣上下然後禮義有所錯而帝王

文世有損益至周曲為之防事為之制故曰禮經三百威儀三千

此以下又引劉歆之言以及周之衰諸侯將踰法度惡其言已昏

明之而此首原其始作也及周之衰諸侯將踰法度惡其言已昏

滅去其籍自孔子時而不具至秦大壞此傷禮之廢而下乃漢興推禮之所以幸存也

魯高堂生得士禮十七篇訖孝宣世后倉最明戴德戴聖慶普皆

其弟子三家立于學官士禮十七篇即舊禮古經者出于魯洛中

及孔氏與十七篇又相似多三十九篇淹中蘇林謂里名也及孔氏三字舊注屬下為義劉

歆云禮古經孔氏安國所得壁中書也當屬上句通解從之與舊

作學劉歆云學當作與五十六卷除十七正多三十九通解云上

文經七十篇本注后氏戴氏之禮今考高堂生傳士禮十七篇后

倉二載皆其所傳弟子則彼所注后戴之禮即傳此高堂生之所

傳而今號儀禮者也况劉氏所考于古經增多篇數適合而上文

經目又別無高堂生十七篇之禮其證甚明賈公彥疏亦言古文

十七篇與高堂生所傳相似是唐初時漢志猶未誤也故知諸文誤錯皆當從劉氏云及明堂陰陽王史氏

記所見多天子諸侯卿大夫之制雖不能備猶脩倉等推士禮而

致于天子之說蘇師古讀作愈猶勝也通解云諸記自一百三十一篇以下與經文本不相雜疑亦多于本篇之後
記之如二戴記孔子家語等蓋特不可考其所自耳又按張淳云如欲所言則高堂生所得獨爲士禮而今儀禮乃有天子諸侯大夫之禮居其大半疑今儀禮非高堂生之書但篇數偶同耳此則不深考于劉說所訂之說又不察其所謂士禮者特畧舉首篇以名之其畧等云推而致于天子者蓋專指冠昏喪祭而言若燕射朝聘則士豈有是禮而可推耶

賈公彥疏曰戴德戴聖與劉向別錄十七篇次第皆冠禮第一昏禮第二士相見第三自茲以下大戴卽以士喪旣夕士虞特牲少牢有司徹鄉飲鄉射燕禮大射聘禮公食覲禮喪服爲次小戴則以鄉飲鄉射燕禮大射士虞喪服特牲少牢有司士喪旣夕聘禮公食覲禮爲次皆尊卑吉凶先後雜亂故鄭說不從之唯劉向別錄大射以上七篇與小戴同而其下乃以聘食覲禮喪服士喪旣

文士虞特牲少牢有司爲次皆尊卑吉凶次第倫敘故鄭用之也

此疏家釋鄭氏所以從劉向而不從二戴之意也然愚按大戴篇
目之序蓋以冠昏喪祭爲次而遞及于飲射聘覲也其以喪服居
後者上各篇皆言禮儀之節而此篇乃因禮儀而及其喪服之制
以見凡行喪禮之儀所相依以爲用者故後之與由是以推劉氏
篇目之次固勝于小戴而其視大戴則有不及者鄭氏蓋未免失
所從違也故今以大小戴與向別錄互參其得失而發其義如此
學者詳之

石林葉氏曰經禮一而曲禮十經禮制之凡也曲禮文之目也故
中庸言禮儀三百威儀三千也先王之時皆有書與法藏于有司
官掌之士習之謂之執禮周官大史掌邦之六典禮居一焉大祭
祀與群執事讀禮書而協事祭之曰執書以次位常大會同朝覲
以書協禮事將幣之曰執書以詔王小史大祭祀讀禮法凡此或

請以喻衆或執以行事至周衰皆亡惟孔子獨能知之故子所雅
言亦謂之執禮今禮記首載曲禮此非其書與法之正也漢儒雜
錄其所聞而纂之故言曲禮曰以表之爾

朱子曰六經之道同歸而禮樂之用爲急遭秦滅學禮樂先壞漢
晉以來諸儒補緝竟無全書其頗存者三禮而已周官一書因爲
禮之綱領至其儀法度數則儀禮乃其本經而禮記郊特牲冠義
等篇乃其義疏耳前此猶有三禮通禮學究諸科熙寧以來安石
變亂舊制獨存禮記之科棄經任傳博士諸生不過虛文以供
舉其間亦有因儀法度數之實而立文者咸幽冥莫知其原一有
大議率用耳學臆斷而已若乃樂之爲教則又絕無師授莫有知

其說者而不知其爲闕矣。

又曰禮器經禮三百曲禮三千而中庸以經禮爲禮儀曲禮爲威儀鄭玄等皆曰經禮卽周禮三百六十官曲禮卽今儀禮其中書儀三千以其有委曲威儀故有二名獨臣瓚曰周禮三百特官名耳經禮爲冠昏吉凶之類蓋以儀禮爲經禮也近世括蒼葉夏得曰經禮制之凡也曲禮文之目也先王之世皆有書大史小史統讀而卿大夫教萬民與保氏教國子者亦此也愚意禮篇二名禮器爲勝其諸儒之說臣瓚與葉氏爲長蓋周禮乃制治立法設官分職之書其于天下事無不該括禮典固在其中而非專爲禮設也其中或以一官兼掌衆禮或以數官通行一事亦難計其官數

以充禮篇之數至于儀禮則其冠昏喪祭燕射朝聘自為經禮大綱亦不容專以曲禮名之也但曲禮未見今何書為近而三千之數又將何以充耶又嘗考之經禮固今之儀禮其存者十七篇而其逸見于他書者猶有投壺奔喪遷廟毀廟中霤等篇其不可考者又有古經增多三十餘篇而陰陽明堂王史氏記數十篇及河間獻王所輯禮樂故事多至五十餘篇倘或猶有逸在其間者大率且以春官五禮之目約之則其初固當有三百餘篇無疑矣所謂曲禮則皆禮之微文小節如今曲禮少儀內則弟子職篇所記事親事長起居飲食容貌辭氣之法及其制器備物宗廟宮室衣冠車旗之等其篇之全數雖不可知然條而析之應亦不下三千

餘條矣若或者謂以經禮爲常禮曲禮爲變禮則如冠禮之不醴而醢用酒殺牲而爲折俎若孤子冠母不在之類固皆禮之變在經禮中而如坐如尸立如齋無放飯無流歎之類在曲禮之中者初不得謂之變禮其說誤也

愚按朱子論定則知鄭玄等以周官爲經禮之非而學者當從臣賁與葉氏以儀禮爲經禮無疑矣抑因是推之三千之數若以篇數求之恐其數或無以充或者以爲經禮是禮之大條曲禮是其中之小條件曲禮與經禮非是割然兩項曲禮卽在經禮之中其分二名只是一綱一目猶大學所謂三綱領八條目也但不得專以變禮當之耳且如儀禮今存十七篇是經禮其中之威儀條件却有許多便是曲禮惟經禮是綱領藏得道許多故經禮每禮自爲一篇而曲禮亦在其中也按其說與朱子所謂曲禮篇之全數雖不可知然皆禮之微文小節條而析之應亦不下三千餘條者亦界相似但篇帙散亡無可復考亦未知是否也傳曰所聞異詞所傳聞又異詞姑識其說而有之云

儀禮經傳內外編參義凡例九則

儀禮經子朱子與其弟子勉齋相繼編次而今爲參義何也遵勉齋以遵朱子也朱子前後編鄉學邦國及王朝禮凡三十七卷喪祭猶同於命勉齋續成其書凡喪祭禮二十九卷纖悉幾備然其門人楊復序猶以遺稿圖式先生尙有未及訂之遺恨也故參訂正遵黃以遵朱也

遵黃以遵朱則于其書復有分合而增損者何也勉齋始創二禮粗就以質于師師喜謂曰君所分喪祭禮規模良善他日取吾家鄉邦家國王朝禮悉用此更定可也師于弟有可從者且喜而從則勉齋先生于後學其舍己從人之量亦一也

分合之義序已言之其有所損益何也勉齋所引經若傳皆各獨其引大傳荀子白虎通及讖緯之屬有未訂者今汰十之七八理稍不足故也所補逸禮數篇皆善其外凡逸禮有應補者今更採補約數十篇于義例相足故也故損益之也

抑亦有未盡者載記固儀禮義疏也擬將四十九篇中凡其言儀者以類分列于內編其言所以儀者類列于外編庶各爲就次緣章義已特成書以是頗俟異時謀增以合之此則區區之志爾用俾憾而恐不克告無戾于先儒者也

凡此皆參經傳通解也其參注疏者又有二焉一參在注疏中一

參在注疏後謹旁門亦以憲先哲也

參在注疏中何也注疏文繁蕪者或頗有增損又文不順者或稍

為易置然皆注疏意也仍以注疏標之故曰參在注疏中也

參在注疏後何也注以注經也疏以疏注即以疏經也或注經疏

經而失乎經與附而失經不如辨而存經先儒可作必與存經也

故以愚按標之此則參在注疏後者也

總其為參者凡分四類曰禮曰記曰義曰考禮者經之正也記者

傳之輔也義者理之解也考者事之實也篇備四類或有未備因

存亡為衍縮也

至參補之經亦分四類有逸見他經而體例當升為經者曰採補

雖見他經而體稍不合者曰參補旁見書傳而體有未合者曰姑

補散之書傳而合為編次者曰彙補勉齋先生補經也約而愚以

四類通之故參之也廣以參乎黃而非皆乎黃即非皆乎朱故

曰遵黃即以遵朱也

後學姜兆錫謹識

儀禮附論五則

凡讀儀禮莫作一朝綿蕞看了學者試想未有此禮時此心如何

行此禮時又如何見這意思方得

儀禮二百二十不單是道問學正是德性所流露處大德是敦那

化的小德從這大處流出來先儒所發體用一原四字以此故曰

合外內之道

樂記說天高地下萬物散殊而禮制行矣禮便是自然有這道理加減一毫不得古皇之世猛狽獠獠後來聖人繼作逐漸發明出來然猶多闕畧故二代時猶稱尚忠尚質到得周公監視損益詳盡曲至故孔子曰郁郁乎文哉吾從周此自是恰好了到得末流却又太過故孔子又曰文質彬彬然後君子又白曰吾從先進學者須是損過就中至于成德方得動容周旋中禮記禮者大學中庸皆列于篇亦是流傳得這個意思在

禮樂只是序而和其本原却只是仁敬處後來周室盛時自朝廷達于閭巷凡所行吉凶賓軍嘉五禮益溢周禮謂之大和之世到得後來虛偽習妄其本都亡了故孔子曰禮云樂云玉帛云乎哉鐘鼓云乎哉又曰人而不仁如禮何如樂何春秋至戰國亂逆無等無可窮詰秦疏強暴祖龍却又怕學士家將禮法束縛他以故煇者遂白此起

禮者來有三變白上世到周公時極盛其後却壞了此一興廢猶自人行禮者言之其後孔子修明禮樂又一盛到燔書却大壞此一興廢并典籍亦都亡其後漢興儀禮得高堂生并其五傳弟子至大小戴遂集為記周禮至河間獻王亦顯其後義解繁多後鄭注三禮雖有功然溯祖識緯之學聖證論多力爭之宋世最右文道州公葉程任傳三禮諸科多罷中間更數廢興雖經存亦與無

經相似以是朱子與其弟釐修典籍良非得已

家君參輯儀禮重等受命校讐之次晨夕竊聞緒論今約錄五
條于右用見先儒所以發明先聖之隱志而家君所以附參者
固不待述云男航謹錄

儀禮經傳內編卷一

姜兆錫註疏卷一

綱周禮大宗伯之職掌建邦之天神地示神鬼之禮以佐王建國

邦國

按下文宗伯總掌五禮而首止言天神地示人鬼之禮者禮以祭為大舉重而言也

以吉禮事邦國之鬼神示以禋祀祀昊天上帝以實柴事日月

星辰以粢燎祀司中司命輶師雨師以血祭祭社稷五祀五嶽

以粢沈祭山林川澤以鬯辜祭四方百物以肆獻裸享先王以

饋食享先王以祠春享先王以禴夏享先王以嘗秋享先王以

烝冬享先王

諸禮多以綱統目吉禮之類十有二第皆舉其目也其綱蓋天神地示人鬼三者約之而餘以類推

與賓禮

畧如之

以凶禮哀邦國之憂以喪禮哀死亡以荒禮哀凶札以弔禮哀

禍哉以禘禮衰國敗以恤禮衰冠亂

凶禮之類凡五蓋舉綱以統目也

以賓禮親邦國春見曰朝夏見曰宗秋見曰覲冬見曰遇時見

曰會殷見曰同時聘曰問殷覲曰視

賓禮之類亦猶吉禮舉其目也其綱蓋朝聘二者約

之而餘亦以類推與

以軍禮同邦國大師之禮用衆也大均之禮恤衆也大田之禮

簡衆也大役之禮任衆也大封之禮合衆也

軍禮之類凡五亦舉綱統之也

以嘉禮親萬民以飲食之禮親宗族兄弟以昏冠之禮親成男

女以賓射之禮親故舊朋友以饗燕之禮親四方之賓客以服

藩之禮親兄弟之國以賀慶之禮親異姓之國

嘉禮之類凡六亦舉綱統之也

宗伯掌五禮餘禮皆言事邦國親邦國之屬嘉禮獨言親萬民者對天而言雖王亦民也對王而言凡宗族兄弟男女故舊朋

友賓客皆民也此所以
王禮不嫌言親萬民與

此大宗伯所掌吉內賓軍嘉五者之禮而儀禮蓋卽五禮節文
之儀也通棧五禮之類祗三十有六則先聖所云禮儀三百威
儀三千者何也按吉禮十有二類賓禮八類皆第約其目而內
禮軍禮各五類嘉禮六類又止總其綱則其目之蘊於綱網之
析於目者數固博矣况大宗伯所掌王禮爲主而推而放之凡
自諸侯而達於大夫士者又數之不勝數乎此其所爲以三百
包三千而優優大哉至是也然則今存者止十餘篇又何亡之
甚也此秦實亡之而不惟秦亡之也秦燔書典籍固多漸滅然
孔壁旣出今詩書易象春秋汔於四子雖間有殘脫猶號完書
卽周禮今猶有五官也若儀禮之尤闕則有以矣考周禮除闕
冬官外其天地夏秋四官皆布法懸象而春官惟王大封頒祀
於邦國都家鄉邑而已其一切法象皆不和布懸觀也凡言和
布者謂取其故典與時損益調和而布之也獨禮文謂之掌故
則不待歲爲調和矣且其文委曲繁重懸之旣莫殫觀之又莫
究故凡王制將行大禮亦惟太史以書協禮事及臨事各執書
以誥相之則其達於大夫士以下者亦概可知耳彼其書旣不
播在人間此所以漸滅尤甚今惟諸侯以下大夫士所行者僅
存諸篇而其王朝大禮所藏之故府者多不存也今謹校定所

存并參經傳正續通解頗補其闕而分爲內外篇如左學者詳之

嘉禮一 嘉禮居一者對軍若賓若凶若吉之次而言也周禮以吉凶賓軍嘉爲次而吉禮又以郊望爲首此則參大小戴別錄之屬以嘉軍賓凶吉爲次而嘉禮又以冠昏爲首者蓋周禮宗伯專掌王禮以禮制之重輕爲次儀禮自王下達乃以人道之始終爲次也嘉禮視諸禮獨詳今逸存者才七篇諸所參補並詳各篇餘四禮放此

冠昏之禮一之一

此卽周禮所謂以昏冠之禮親成男女也周禮本以飲食居一昏冠居二今編次先後之

義已見上餘編次並放此推之

士冠禮

按宗伯掌王禮冠昏當自王下達今不見王以下冠昏禮而僅存士冠士昏者禮多逸也禮不下庶人凡

禮多自士始士冠之禮蓋人自幼學以來至二十而冠而其時將升於司徒而爲選士俊士與升於學而爲造士故並得以士禮冠而名士冠禮若其後升於司馬而爲進士則固將用爲旅下士與中士下士乃所謂四十曰強而仕之時而非二十曰弱冠之時矣舊註乃謂此童子任職居士位所行之冠禮則於四十強仕不亦失之遠乎按篇中前所列諸儀乃

父母在爲其適子爲士者之禮而其禮亦但用醴而以乾肉折俎行之若父不在而爲孤子又或父在而母不在又或爲其庶子又或其禮不用醴而用酒及不用乾肉折俎而特殺則其禮並異而一禮之中且分爲數禮矣然止目以士冠禮者以並得以士冠統之也士昏鄉飲所統各禮亦畧如之若燕禮公食士相見之屬則每篇當分爲諸禮不得相統而舊蓋誤合而標之耳詳見各篇

士冠禮筮於席門

席古廟宇○筮者以著問曰吉凶于易也冠必筮曰于廟者重以成人之禮成于孫也○注曰

廟謂禘廟也不于堂而于門者嫌著之靈由廟神也疏曰不云筮月者夏小正云二月綏多士女冠于取妻時也謂廟爲禘廟者昏禮記凡行事受諸禘廟是也凡儀禮單言廟者皆是禘若非禘則以廟名別之聘禮云卿受于祖廟又云不腆先君之祧是舉祖若祧別之也士冠于禘廟若天子諸侯冠在始祖之廟喪九年季武子云以先君之祧處之則與聘禮先君之祧同也筮不于堂者據經冠在堂上此筮在門外也按易繫辭云定天下之吉凶成天下之亹亹者莫善于蓍龜又郭璞云上有蔭蓍著下有千齡蔡凡虫之智莫善于龜凡草之靈莫善于蓍是知蓍自有神不假廟神也

主人立冠朝服緇帶素鞶卽位

于門東西面有司如主人服卽位于西方東面北上

朝音潮後朝服放此釋音

畢○主人謂將冠者之父若兄玄冠卽記云委貌也朝服不言色

者衣與冠同色也皮弁服爲朝服又云玄冠朝服者天子與其臣

皮弁服以日視朝諸侯與其臣玄冠朝服以日視朝也筮必朝服

者尊著龜之道也緇帶黑綈帶也玉藻士帶博二寸之屬是也蔽

膝曰鞞素鞞白韋鞞也玉藻鞞長三尺上廣一尺下廣二尺之屬

是也冠服卽位者以待事也有司卽下文卦者爲筮人之屬也疏

曰父在父爲主父不在兄爲主父若兄皆無則諸父諸兄亦攝主

也下云若孤于則父兄戒宿謂諸父諸兄也注云衣與冠同色者

禮之通例如皮弁服白弁卽亦白衣玄端服卽亦玄冠及郊特牲

婦服黃衣黃冠之類是也裳與鞞亦同色如下文爵弁服纁裳纁

韠皮弁服素纁素鞞之類鄭不言者經文通例亦可推也衣冠同

色經多不備言其衣冠色異經卽別言之下文爵弁服純衣是也

廟中正冠時主人服玄端爵鞞而筮於廟門時乃服朝服又士祭

入廟常服玄端而筮在廟門乃服朝服而不服玄端故知尊筮龜

之道若特牲禮筮日與祭同服玄端少牢筮日與祭同服朝服者

彼爲祭著龜不尊于先祖故服同此爲冠筮龜尊于孫故服異

也筮與席所卦者具饌于西塾布席于門中闕西闕外西面筮謂所筮

之著也。所卦者謂畫地記爻之木。易曰：六畫而成卦，是也。俱陳也。具俱也。西塾門內西堂也。闔門板也。疏曰：注謂筮為著者，曲禮：龜為卜，著為筮。筮法用四十九著，分之為二，以象兩掛，一以象三，揲之以四，以象四時。歸奇于扚，以象閏，再扚為一變，三變而成爻，十八變而成卦，是也。云所卦為畫地記爻之木者，少牢云：卦者在左，坐卦以木是也。又引易者，說卦云：昔者聖人之作易也，立天之道曰陰與陽，立地之道曰柔與剛，立人之道曰仁與義，兼三才而兩之，故易六畫而成卦，而木乃畫地以識卦爻，故引之也。云西塾為門外西堂者，爾雅：門側之堂謂之塾。士虞禮：羞俎在內，西塾上而筮在門外，故此西塾乃門外西堂也。云闔為門板，闔為闔者，曲禮外言不入于闔，闔人執筴抽上韉兼執之，進受命於主人，宰為門限與闔一也。

自右少退贊命

筴初革反，韉音獨。○筮人有司主三易者也。韉藏筴之器，今藏弓矢者謂之韉。九兼併也。進前也。從

西方之位而前受命也。等主人有司之主政教者，自由贊佐命告也。由其右而佐主人告，所以筮少儀贊帶自左，詔辭自右是也。○疏曰：按少牢史左執筴，右抽上韉，兼與筮執之，東面受命于主人。此不言左右，文不具也。韉有上下，下向上承之，上向下韉之，引漢法為况者，欲見韉弓矢用革，此韉亦然。地道尊右，故贊命在右，士喪禮亦云：命筮者在主人之右，若特牲云：宰自主人之左贊命者。

為神求吉變也愚按士喪禮命筮特牲宰贊命筮人許諾右還則

少牢主人命筮並有命詞此不言亦文不具也筮人許諾右還則

席坐西面卦者在左還旋同後放此○即就也向主人東面受命

著長五尺故立筮士著長三尺故卒筮書卦執以示主人主人受

眡反之注曰卒已也書卦者筮人以下文筮人東面旅詹明此書

卦是筮人也特牲卒筮寫卦筮者執以示主人彼祭事舒故卦者

畫卦寫卦而筮者以示士喪禮無寫卦文彼喪事遠故卦者自畫

且自以示主人此冠禮卦者畫卦而筮者自寫自以示又異于喪

祭故也受眡反之者主人尊先受視以知卦體既視乃反還與筮

人使詹吉凶也愚按經文卒筮通筮人操著卦者畫卦而言書卦

則卦者既畫乃寫所畫之卦于木而執示主人初非卦者畫卦而

筮人寫以示主人如注疏之說也蓋此卒筮書卦猶特牲卒筮寫

卦其為卦者既畫而寫甚明但特牲則別用筮者執以示主人此

則畫卦與書寫與執示皆卦者一人故此絕不言筮人而至反之

之後乃特言筮人也疏附注而不審其義故其論喪祭似是而論

冠則非學者各以經筮人還東面旅詹卒進告吉還反也旅古文

文上下參之自見

作贖眾也○疏

曰筮人既于主人受得卦體還于門西東面與眾共詹之如得吉
卦乃進向門東而東面告主人以吉也云旅詹者按洪範七稽疑
擇建直卜筮人三人詹從二人之言又金縢云乃卜三龜一習吉
則卜時玉兆瓦兆原兆三龜並用三人各詹一兆筮時連山歸藏
周易三易並用亦三人各詹一易也卜筮皆三詹從二三吉為大
吉二吉為小吉士喪禮筮三詹者東面旅詹此謂掌連山歸藏
周易之三人共詹之又上并云詹者三人在
其南此謂掌玉兆瓦兆原兆之三人共詹之也若不吉則筮遠日
如初儀遠日句之外也曲禮吉事先近日冠禮吉故筮近日不吉
乃筮遠日也如初儀吉自受命于主人已下至告吉是也
徹筮席宗人告事畢徹去也欽也宗人有司掌禮者也○疏曰注

右筮曰一筮之服值二筮具三命筮
四筮皆五筮遠日六筮畢

主人戒賓賓禮辭許主人再拜賓答拜戒警也告也賓謂主人同
者有吉事則樂與賢者歡成之有凶事則欲與賢者哀戚之今冠
子既得吉故就告僚友使來觀禮也禮辭一辭而許也再辭而許
曰同辭三辭曰終辭不許也○疏曰按主人戒賓當親至賓大門
外之西東面賓出大門外之東西面乃戒之不言者省文也又按

鄉飲酒鄉射禮主人戒賓皆賓先拜辱主人答乃戒賓下文宿賓宿賓者亦如之此戒眾賓賓不先拜者以其不為賓已故也注云禮辭一辭而許者即此文是也固辭終辭詳見士相見及士見于大夫之文主人退賓拜送退歸也鄉主人退賓拜辱此但云拜送亦不云拜辱者逆之義一也

本記戒賓曰某有子某將加布于其首願吾子之教之也賓對曰某不敏恐不能其事以病吾子敢辭主人曰某猶願吾子之

終教之也賓對曰吾子重有命某敢不從

共供同重平聲○此文總在經後蓋經外

之記詞凡經文言其儀有不備者故記也朱通解分附在各章今從之後凡分記各章者並放此上某主人名下某子名加布謂初加之細布冠三加不皆用布以初加為主也子男子之美稱吾子相親之辭病猶辱也敢不從許之也此記戒賓禮詞之辭也

右戒賓

上章分注儀節者其儀繁也此不分注者其儀簡也下放此

前期三日筮賓如求日之儀。注曰前期三日者筮二日也筮賓謂也冠義曰古者冠禮筮曰筮賓所以敬冠事敬冠事所以重禮重禮所以爲國本也疏曰如求日之儀者自筮於廟門外至告事畢其儀並同惟命筮別也筮曰筮賓命詞皆無明文以凡筮推之蓋云來日某某爲適于某加冠筮賓蓋云某某爲適于某加冠筮某某爲賓若庶子則改云爲庶子某經皆不言命筮者文不具也冠禮筮賓特牲少牢不筮賓者彼祭祀大夫士自爲獻主有司助祭而已王侯之祭祭前已射于射官擇可與祭者故不筮也

右筮賓

乃宿賓賓如主人服出門左西面再拜主人東面答拜

注曰宿猶進也宿者

必先戒戒者不必宿其不宿者衆賓也如主人服朝服也疏曰註訓宿爲進者謂進之使知冠日當來也下文宿曰某將加布于某之首吾子將莅之收宿賓對曰某敢不夙興是宿之使進之義也宿必先戒若賓及贊者上戒賓之內已戒之矣今又宿之是也戒不必宿但是衆賓欲其來觀禮者皆戒之使知而已後更不宿是也凡有戒無宿者鄉飲酒鄉射及公食大夫皆當日戒之無宿也

又大射寧戒百官有事于射者射人戒諸公卿大夫射司士戒士射與贊者又前射三日宰夫戒宰及司馬皆有戒而無宿其特牲前期二日宿尸而前反無戒者文不具也禮記祭統云先期旬有一日宮宰宿夫人夫人亦散齊七日致齊三日注云宿讀爲肅猶戒也夫人尊不得言戒而變言宿非謂祭前三日之宿也按周禮太宰祀五帝掌百官之誓戒謂十日前戒百官使散齊至三日前又戒使致齊也其大夫士戒宿之禮特牲云前期三日筮尸乃宿尸下又云厥明夕陳鼎則前期二日宿之也少牢云筮吉乃官戒尸下又云宿則筮日既戒諸官至前期一日又宿之又前宿一日宿戒尸注云宿官輕宿尸重所用爲尸者亦前祭二日宿戒之明日筮尸吉乃逐宿尸是前祭二日既宿戒之前祭一日又宿之也此乃天子以下戒宿之節也乃宿賓賓許主人

再拜賓答拜主人退賓拜送

疏曰上宿賓據主人自致辭也此宿賓據主人自致辭也

宿贊冠者

一人亦如之

贊佐也佐賓爲冠事卽下文冠于之時贊者坐櫛設櫛卒紱之類是也佐賓爲輕故不策矣亦如之者亦

如宿賓之儀賓如主人服以下至拜送也○疏曰凡贊冠者皆降一等假令主賓是上士則取中士爲贊主賓是中士則取下士爲贊惟主賓是下士則亦取下士爲之禮窮則同故也宿之日以上下文推之蓋策賓之明日與筮賓是冠前三日爲期是冠前一日

而宿賓宿贊在爲期之上筮賓之下則去冠前二日矣

〔本記〕宿曰某將加布于某之首吾子將泄之敢宿賓對曰某敢

不夙興

臨臨也此記宿賓告答之辭也

右宿賓若贊

厥明夕爲期于廟門之外主人立于門東兄弟在其南少退西面

北上有司皆如宿服立于西方東面北上

疏曰厥明夕爲期者謂宿賓與贊之明日向暮

爲加冠之期也如宿服者宿服如策日之朝服轉相如明無異服也

擯者請期宰告曰贊明行事

者擯

主之有司佐禮者也按聘禮及周禮大行人主相曰擯客相曰介亦或曰贊宰即贊命之宰贊正也疏曰按特牲請期告曰贊饔饔謂肉熟也必以肉熟爲期者重豫勞賓也此無羨饔故云贊明少牢亦云旦明行事是也告兄弟及有司此謂擯者告也疏曰上文兄弟及有司皆已在位此復告者禮取審慎之義也告事畢擯者告期于賓之

家此告謂宗人告也。疏曰上文筮曰宗人告事畢此告斯亦然也。有司是家之屬吏爲期時皆得在位而僚友等爲期時不在故就家告之夕爲期卽得告之者其仕于君家相近故也。

右爲期

一爲期之服位。二定期三告期。

夙興設洗直于東榮南北以堂溪水在洗東。

此將冠先設洗盥也。注曰夙早興起也。

洗承水器也。謂盥手洗爵之時恐水穢地而以洗承水也。漢禮器制度士洗用鐵大夫用銅諸侯用銀天子用金直猶當也。榮屋翼也與屋爲飾故言榮與屋爲翅故言翼南北以堂深者謂堂下自洗之北去堂之深淺如堂上自簾之北去壁之深淺也言水不言盛水器省文也。疏曰周制卿大夫以下其屋兩下爲之謂之夏屋若漢時門廡然故有東西榮若天子諸侯其屋四注爲之亦謂之四阿卽其東西名雷而不得名榮矣。故鄉飲酒鄉射喪大記卿大夫以下禮皆云榮而燕禮是諸侯禮卽曰洗當東壺也。盛水之壺按漢禮器制度尊卑皆用金鼎大小通異此篇與昏禮鄉飲酒鄉射特牲皆直云水不云鼎大射乃云壺水少牢又云司宮設鬯水于洗東有杜注云設水用鬯沃盥用杜此不言鬯者文不具也。儀禮設洗與昏尊或先或後不同士冠禮昏禮少牢特牲禮不專爲

酒皆先設洗。鄉飲酒，鄉射專為酒，則先設尊。大射辨尊卑，先設尊，無禮不辨尊卑，則先設洗。其儀禮或有尊無洗，或尊洗皆有，又不
言設者，亦文不具也。愚按疏稱尊洗有無之說，得經義省。陳服于
文互文之義，其稱尊洗所設之先後，則前後展轉滋碍矣。房中
西墻下東領北上。此以下歷陳衣裳帶鞶篋簞之屬，而先總

在房中西墻故東領也。冠時先川在下之弁，爵弁服纁裳純衣緇
服，次用在上之貴服。北上而南下，取其便也。爵弁服纁裳純衣緇

帶鞶韞。鞶韞音妹閑。此言爵弁服之裳衣帶鞶也。爵弁服士助
祭之服，雜記士弁而祭于公是也。凡冠弁詳見後，不與衣

同。陳于房中，此以冠名服耳。凡染絳，一入謂之纁，再入謂之緋。三

入謂之纁，純衣，絲衣也。餘衣皆用布，惟五冕與爵弁服以祭而用
絲。先裳後衣者，明衣與綳帶同色也。鞶韞即緇韞也。士緇韞而黹

衡，染以茅蒐，各緇一名鞶韞也。疏曰：按鄭注，純字或為絲，或為
色。兩解不同，皆望經為注。若色理明者，以絲理明者，以

色解之。此經玄衣與纁裳相對，上玄下纁，色理明。絲理不明，則以
絲解之。昏禮女次純衣，下文有女從者畢袷玄色理亦明，故亦以

絲解之。周禮媒氏云：純帛無過五兩。絲理自明，故云純。實緇字也。
以色解之。祭統云：黻于北郊，以其純服。絲理自明，又論語云：麻冕

禮也。今也純以純對麻，絲理亦明，故並以色解之。所以然者，古緇

紃二字並色。緇以才爲聲。聲又相同。經文搃布爲色者。則爲緇字。搃角爲色者。則爲紃字。緇布之緇。本字不誤。紃角之紃。則多誤爲純耳。皮弁服素積。緇帶素鞶。此言皮弁服之裳帶鞶也。皮弁服士與太廟若與臣同服也。積猶辟也。以素爲裳。辟感其腰中。故名也。裳與鞶同色。故皆素其衣。亦用十五升布爲之色。象皮弁不言省文也。疏曰。此皮弁服卑于爵弁。故陳在爵弁之南。爵弁服玄端服此皆言衣。此獨不言衣者。爵弁服衣與冠異。故特言緇衣。玄端服冠時用緇布冠。不用玄冠。故惟言玄端。今皮弁之衣用白布。蓋衣與冠同色。故不言衣。與積猶辟也。凡祭服朝服辟積無數。他服但不素積。可知也。惟喪服玄端玄裳黃裳。雜裳可也。緇帶爵鞶。此言玄裳幅三袵。則有數耳。玄端玄裳黃裳。雜裳可也。緇帶爵鞶。此言玄帶鞶也。玄端士以上禮之通服。其冠玄冠。而不名。玄冠服者爲冠時不用玄冠。而用緇布冠。故不以玄冠名服。而以玄端之衣名服也。裳三等者。上士玄裳也。中士黃裳也。下士雜裳。前玄後黃也。易曰。玄黃者。天地之雜也。是也。爵鞶則三等之士同者。玉藻云。鞶君朱大夫素士爵韋是也。疏曰。此玄端服乃服之下。故又陳于皮弁之南也。凡三等之服。同用緇帶者。士惟有一緇鞶之帶。故三服共用之。大帶所以束衣。革帶所以佩鞶及玉。不言革帶者。畧不言耳。按玉藻。君朝服以日視朝于內。朝以深衣。大夫士朝玄冠。夕深

次則大夫士夕深衣以聽私朝而注乃以玄端為暮夕于朝之服者謂大夫士向暮之時夕若之服也按春秋左氏傳成十五年晉卻至謂子反曰百官承事朝而不久註云莫夕者無事則無夕法若有事須見君則久昭十二年子革云夕襄十四年子我亦云夕皆是也愚按玄冠用廣據記齊則緇之司服齊服玄端則以齊也據傳諸委而治論語宗廟會同端章甫則以朝祭也據本經各篇又以冠昏飲射燕食也註疏臆釋始非

緇布冠缺項青組纓屬于缺緇纓廣終幅長

六尺皮弁笄爵弁笄緇組紘纁邊同儷

缺註讀作類去藥反今按

布冠皮弁爵弁三者纓纁紘之屬也。注曰缺讀如詩有頍者弁之頍緇布冠無笄則著頍圍髮際結項中隅為四綴以固冠也項中有纁亦由固頍為之今未冠笄者著卷幘蓋象頍也膝薛各繭為頍屬猶著也纁今之幘梁也終充也猶全也用緇色布廣如其幅長六尺以緇髮而作髻也笄簪也紘亦組也無笄者纓屬于頍結而不垂條有笄者屈組為紘垂其餘為袷也纁邊者組之側邊色微赤也侯猶笄也同儷謂上六者疏曰注云無笄則著頍圍髮際結項中者此無正文約漢時卷幘亦圍髮際故云圍髮際又以經云頍項明于項上結之也云隅為四綴以固冠者亦無正文既武以下別有頍項明于其四隅為綴上綴于武然後冠以頍項

而得固也。云項中有緇亦由固類爲之者亦無正文以義推之類之兩頭當項之處皆爲緇別以組穿緇中結之然後類乃得固也。云卷幘云今之幘梁並舉漢法爲况云有笄則屈組爲紃無笄則纓而結之者經緇組紃纁邊爲有笄者而設謂以一條組于左笄上繫定遶頤下右相向上仰屬于笄右屈繫之有餘因垂爲飾若緇布冠無笄以青組纓條兩相屬于頤既屬訖則所垂條于頤下結之也。同篋凡六物緇布冠類爲一物纁爲一物皮弁笄爲一物其紃爲一物爵弁笄爲一物其紃亦爲一物也。凡器隋曰篋方曰筥圓曰簞隋謂狹而長也。按周禮弁師掌王之五冕玉笄朱紃則天子以玉爲笄以朱爲紃按祭義天子冕而朱紃諸侯冕而青紃不別言笄則諸侯之笄亦當用玉矣。又按禮器管仲朱紃君子以爲僭注云大夫士當組紃纁邊是也則其笄蓋用象與愚按註讀缺作頤其說雖似然初非經義也在缺與頤音文兩無可誤不應硬改經字况考說文頤從支頁聲乃舉首貌詩有頤者弁蓋又以弁有舉首之形而釋爲弁之貌也則頤初非首服之名又何得讀缺爲頤而指爲首服之制乎且玩本經缺項二字連文既單以缺爲首服則項字又如何相屬如謂以缺繞項則此方陳服飾何言冠之之儀不言各冠之制耶然則經義安歸玩字義項乃冠項之項非頭項之項或緇布冠其項稍有缺而爲此制因以爲各與下右手執項之項前後相足卽如註以後執項爲冠項之項此缺項

則為頭項之項亦當缺項二字連看制名缺項省作纓屬於缺猶可制名缺懸空項字不可蓋此章方是陳具惟以缺項為名而不率為以缺結項之解方寸陳服為通否則寧剛之耳鄭氏之經學能存經亦或亂經而法改經字尤其病也葉文康嘗論其功過參故思雖重鄭學而首發此以櫛實於簠此特言櫛也櫛者梳髮之器

致尊經之義後凡參者放此此特言櫛也櫛者梳髮之器

南此特言筵也筵二者一為冠子之筵即下筵于東序少北是也一為醴子之筵即下筵於戶西南面是也在南對下文側尊一

甒體在服北也。疏曰筵猶席也周禮司几筵注云敷陳曰筵側藉之曰席散言之筵席通敷在地者皆言筵藉取相承之義也側

尊一甒體在服北有篚實勺解角柶脯醢南上。甒云甫反柶音四此言酒脯之屬

也側猶特也無偶曰側置酒曰尊謂尊之也側者無玄酒也無尊名服北者纓裳之北房中之西墻下也篚竹器如笱勺斟酒之器

解伏酒之器柶狀如匕以角為之欲滑也南上者勺解角柶實于篚以次尊脯醢盛于盞豆以次篚。疏曰凡禮之稱側有二二者

特一無偶為側此云側尊一甒體及昏禮云側尊甒體于房中又云合升側載聘禮云側饗士虞禮云側尊之類皆是也一者偏旁

不正為側則聘禮云側受几之類是也勺以斟酒與少牢羹水有

二升曰觶三升曰解四升曰角五升曰散對爵弁皮弁緇布冠各文爵解等各具散文則經通曰爵或通曰解爵弁皮弁緇布冠各一區執以待于西坫南南面東上賓升則東面區素管反此計

冠也爵弁制如冕但無旒且其布色赤而微黑如爵頭然故謂之爵弁皮弁以白鹿皮爲之故謂之皮弁緇布冠如玄冠而小漢小吏冠其遺象不言易服之玄冠省文也區竹器盛冠之箱執之者有司也坫在堂角此時賓未入升故待于西坫之南南面以向賓至後賓升西階則東面矣蓋據其始終言之也疏曰爵弁冕之次也凡冕與弁皆用三十升布爲之玄冕上有覆以木爲體廣八寸長尺六寸上以玄下以纁前後有旒爵弁制同但爵色而無旒則異也冕者俛也前低一寸二分故得冕稱爵弁則前後平故不得冕稱耳皮弁象上古也三皇時以白鹿皮覆首鉤領連項至黃帝乃作冠冕禮運云先王未有絲麻衣其羽皮記三王共皮弁注云質不變也是也弁師王冕有五采纁玉玉簪朱紱皮弁有五采玉璫象卿玉簪諸侯及孤卿大夫之冕弁各以其等爲之如其命數若緇布冠爲士初加之冠冠訖則置不用庶人乃常著之詩云蜚蜚緇緇是也坫有二若明堂位崇坫亢圭及論語兩君之好有反坫之類在廟中設之以亢反爵若此篇所言坫則皆據堂上角爲名也

本記履夏用葛

以下記履制而此及後文冬皮履明寒暑之異用也葛麻類疏曰春從夏秋從冬魏志刺葛履

履霜是也

玄端黑履青絢純純博寸

絢其于反總于力反純章尤反。此三節明物色之異用

也凡履順裳色玄端黑履者玄端之裳有三以上士玄端為正黑亦玄也絢之言拘也狀如刀衣鼻在履頭以為行戒總縫中絢也純遯綠也博廣也三者皆青而純廣以寸也。疏曰拘者自拘持之意以為行戒故名縫中絢曰總謂牙底相接之縫中有條素積白履以魁村之緇絢純純博寸

村方于反。魁履始也村注也魁灰

取其白白素同也周禮地官掌屨其白盛之履鄭司農引此是也村注者塗注于上也

爵弁纁履黑絢純

純純博寸

爵色赤而微黑爵與纁亦同也。疏曰三服見履不得舉裳見履也皮弁以素積見履履裳同色是其正爵弁不舉

纁裳而以爵弁見履變也按冬官畫績之事青與白相次赤與

黑相次玄與黃相次鄭注云此六色以東西南北中五方相對

為次績以為衣者也又云青與赤謂之文赤與白謂之章白與黑謂之黼黑與青謂之黻鄭注云此五色以東南西北相次為次績以為裳者也又鄭注履人云複下曰舄單下曰屨凡舄之

飾如纁之次凡屨之飾如纁之次今黑屨以青爲絢纁純白屨以黑爲絢纁純即緇次之序爵弁纁屨纁赤色乃不以所次白色爲絢纁純而以黑色爲絢纁純取相對之纁次爲飾者蓋爵弁是祭服故屨飾與爲飾同也冬皮屨可也爲正冬時寒許不屨總屨總音歲。此又明吉凶之異用也總用皮故云可也喪服記云總衰四升有半總衰是喪服總屨可知也斬衰冠六升傳云鍛而勿灰則四升半不灰治亦可知言此者記稱大功之末可以冠子恐人以總屨冠子故明此也

右陳冠具

一盥洗二衣服三冠飾四酒脯五冠弁

主人立端爵辨立于阼階下直東序西面

此首言主人之服位也

服阼猶酢也東階所以答酢其賓故名也爾雅曰東西牆謂之序

疏曰立端爵辨主人之服與上所陳子加冠之立端服一也按特牲禮士祭服立端此士之

加冠在廟故與祭同服也兄弟畢袵立于洗東西面北上此言

兄弟之服位也。注曰兄弟親也畢猶皆也古文袵爲均猶同也

同玄者玄衣玄裳及緇帶緇也在洗東者退於主人不爵辨者降

于主人也。疏曰：衿當讀如左傳均服振振一也。通解曰：衿，漢書字亦作均，而疏說如此，則未知其以衿字為均耶，抑以衿音為振也。集韻又釋衿為戎衣偏製，今亦未詳其義。愚按均為衿，漢書作衿，明皆誤文也。疏引左傳，當是以衿字為均，但左傳均字却又是衿字所誤。衿本戎服之名，左傳誤為均字，此經則又誤為衿字。疏所引蓋亦未可據信，姑存其意可耳。或曰：衿，單也，謂無裡也。負者，玄端負東塾。此言賓者之服位也。注曰：東塾，門內東堂也。負人服而但言玄端，則其餘與主人將冠者采衣紒在房中南面音粉不同可知。下贊者玄端從之，故此將冠者采衣紒在房中南面音粉界。此言將冠者之服位也。注曰：采衣，未冠者所服也。玉藻云：童子之飾，緇布衣，銅綠綳紳，束髮皆朱錦也。是也。紒，結髮也。詩云：總角，匪兮。古文紒為結。疏曰：童子不帛襦袴，不衣裘裳，故緇布衣以錦為之，緣以錦為大帶，以錦為束髮，而其錦凡皆朱錦也。賓如主人服贊者玄端從之，立于外門之外。此言賓若贊之服位也。注曰：賓之贊，其屬中士若下士也。外門之外，大門外也。疏曰：賓與主人尊卑同，故得如之。摛贊者皆降主人一等，其衣冠雖同，其裳則異，故不得如主人服，而別言玄端也。此兄弟及賓贊皆玄端，至特牲禮惟主人與尸祝佐食玄端，自餘皆朝服者，彼助祭在廟，孝子尊嘉賓以事。

其祖禰故

擯者告主人迎出門左西面再拜賓答拜

此以下乃言迎賓也告者

出請賓而入告于主人也左東也出以東為左入以東為右

主人揖贊者與賓揖先入每曲揖

至于廟門揖入三揖至于階

贊者賤但揖之而已賓則既拜之矣又與之揖又先入道之也每曲揖者

宗廟在左入外門將東曲揖直廟將北曲又揖也又三揖者入門將右曲揖將北曲揖當碑揖也疏曰贊者無入之文上不見更

與贊者為禮蓋隨賓以入也祭義及周禮小宗伯俱言周人左宗廟與殷人右宗廟異故既入大門當東向入廟也其始主在東賓

在西至入外門將東則主在南賓在北是一曲至廟南將向廟則又主在東賓在西又是一曲故每曲各一揖并將入廟門又一揖

是三也又云三揖者上云每曲揖據入大門後也此三揖據入廟門時也按昏禮注三揖者至內霤將曲稍東揖既曲轉北又揖當

碑又揖聘禮鄉飲酒注三揖文雖不同皆據此三節為三揖義不異也三讓主人升立于序端西面

賓西序東面

此以下言主賓等升位也西面東面者主賓升立兩相鄉也主不云東序賓不云序端互文也疏曰主

升堂不拜賓至者冠子非為賓客故異於鄉飲酒之等也贊者盥于洗西升立于房中西面南

上。盥于洗。西山賓階升也。立于房中。近其所有事也。注曰。南上者。賓贊與主贊並立。賓贊尊於主贊也。疏曰。賓贊與主贊並立于房中。以待事也。知賓贊與主贊並立者。以宿贊冠者止一人而云南上者。明與主贊爲序也。愚按下文別言主人之贊者。明此贊者。專謂賓贊也。據前文宿賓之贊冠者止一人。然賓之贊冠雖一人。賓贊實非一人也。視後文醴賓節贊者皆與贊冠者爲介。義亦明矣。舊但知賓贊冠者止一人。而因疑此序立者。乃與主贊爲序也。殆未之考與。

右迎賓

一主人等之服位。二賓等之服位。三主人迎賓。四主賓等升立。

主人之贊者。筵於東序少北。西面。

此章歷序加冠之儀。而此二節首言布筵而奠。櫛纒也。筵者布

冠者席也。東序爲主人之位。適子冠于阼。而少北者。辟主人也。

將冠者出房南面。贊者奠纒。并櫛

于筵南端。

注曰。出房南面。立于房外之西。待賓命也。贊者謂賓之贊冠者。奠安放也。疏曰。立不在東。而云在西者。房外之

東。當阼階其西。乃當賓階也。前類項以下六物同一篋。櫛實于篋。陳于房中西墻。今將冠故贊冠者于篋。篋取置諸物于席南。以待用。不言纒紃等大器。皆有可知。服不取置于席南者。加冠訖。適房中。隱處加服訖。乃見容體也。賓揖將冠者。將冠

者卽筵坐贊者坐櫛設纚

此以下總言將冠之櫛纚也卽就也賓設謂施也二者勞役故贊者爲之

降主人降賓辭主人對賓盥卒壹揖壹讓升主人升復初位賓筵

前坐正纚

主人降爲賓降盥不敢安位也辭對之辭未詳揖讓皆立者降于初升也贊已設纚賓復正之者將加冠宜親

也與降西階一等執冠者升一等東面授賓賓右手執項左手執

前進容乃祝坐如初乃冠

此以下言始加冠服之屬也與起也降下也下一等升一等注謂中等相授也

冠謂緇布冠也項謂冠項前謂冠前也進者先降一等而今進也容謂行翔而前鶴焉也坐如初者立祝訖仍坐筵前也。疏曰云下一等升一等則中等相授者按匠人天子之堂九尺九等爲階諸侯堂七尺則七等階大夫堂五尺則五等階士三尺則三等階故以中等解之也進客爲行翔而前鶴寺者按曲禮云堂下不趨室中不翔則堂下固得翔矣又云大夫濟濟士跄跄皆行容止之貌故知進容謂與復位贊者卒復位復西序而東面也卒者謂缺行翔而前跄也與復位贊者卒項結纓也。疏曰經云右手執項冠後爲項非項也其下皮弁爵弁無項項所云執項皆冠項也愚按此仍前誤辭已見前

冠者與賓揖之適

房服玄端得鞞出房南面

復出房南面者一加禮成觀衆以容體乃再加也

賓揖之卽筵

坐櫛設筓賓盥正纓如初降二等受皮弁右執項左執前進祝加

之如初復位贊者卒紘興賓揖之適房服素積素鞞容出房南面

此一節言再加冠服之屬也設猶置也挿也凡如初爲不見者言也卒紘謂繫屬之也始加出房南面觀衆以容而已此正言容者再加纓成其儀益繁也上陳服備言衣裳帶鞞適房所服皆不言纓帶士惟有一帶不言可知也○疏曰加皮弁云卽筵坐櫛者坐說當脫纓布冠乃更櫛也未加冠先言設筓者筓有二一是安髮之筓一是固冠之筓今未加皮弁先言設筓明是安髮筓也纓布冠亦有安髮之筓恐與兩弁固冠之筓相亂故不言彼言設纓而不言設筓此言設筓而不言設纓亦可互見矣其加弁時固冠之筓則實白設之可知也愚按疏義多臆說玩本經及各經傳所言筓皆非如疏者之說也本經未加冠先設筓者凡設筓合于設纓之後加冠之前行之故內則冠服之儀櫛訖而纓纓訖而筓筓訖而總而拂髦髦訖而冠冠訖而綏纓其序如此皆不言有二筓而其序先筓後冠又皆不言冠後有筓也若如疏義則本經初不言纓布冠有筓而乃謂其無固冠之筓而有安髮之筓本經但言皮

弁爵弁有笄而乃謂其有安髮之笄而又有固冠之笄也其以疏經乎抑以亂經乎且病不止此據經所陳皮弁笄爵弁笄疏謂以固冠也而其於所設笄則又謂以安髮也非其所陳固冠者也夫弁陳固冠之笄而所設何又爲安髮之笄既二弁設安髮之笄而緇布冠安髮之笄何又不言設也而反爲之說曰恐與二弁固冠之笄相亂故不言而互見其文也試問互文之義果如是雜操否乎抑誰爲亂經者乎然則經止有此笄設于未冠時者何也考男子設笄非以步髮但以固冠與垂綏故設纁乃并于纁旁比實既正纁加冠乃以組透額上係于笄左右而垂其餘爲綏所謂率紕也夏官弁師掌冕弁之制而曰玉笄朱紕卽所謂以組繫之也又玉藻云始冠屬武有事然後綏雜記云大白冠緇布冠不綏委武玄纁而後綏蓋紕繫于笄之兩旁正當冠卷之武故居常之冠不用垂其組爲綏則連屬其武而有禮事當垂其組爲綏則其武臨者冠乃合而不預爲連屬以其但當武處故也然則男弁但係冠而生何臆爲安髮乎纁以紕髮又總以束之何安髮之笄之有笄挿纁旁設纁說卽設之其設當冠武雖以固冠而非但爲固冠設也婦人無冠故笄挿于鬢以爲飾男子有冠故設笄于纁旁當武而垂纁爲綏以飾之疏不詳玩其義安髮笄以固冠則不應未冠先笄而因臆爲別一安髮之笄也雖展轉遷就以爲詞而本經與群經之義胥失矣與附傳以失經寧據經以別傳故謹辨之

如此學首詳之賓降三等受爵升加之服纁裳韎韐其他如加皮弁之儀此一節言三加冠服之屬也降三等下至地也他謂卒紼容出之屬也按三加所服始加言衣不言裳而再加三加言裳不言衣者再加三加有定裳而始加之玄裳黃裳無定裳故始加不言裳至此祭服朝服之屬上衣上裳皆相連言裳則衣固具其中矣此所以不言徹皮弁冠櫛入於房也此言冠畢而徹也徹者賓贊及主贊衣與疏曰但言徹皮弁櫛布冠者爵弁著之以受醴至見母兄弟姊妹訖乃易之也賓贊者祿諸王登者則徹筵

本記始加祝曰令月吉日始加元服棄爾幼志順爾成德壽考

惟祺介爾景福

服叶蒲北反福叶筆勒反下同。令吉皆善也元謂首也既冠為成德冠義責以父子君臣長

幼之禮皆成人之德也祺祥也介進也一云輔也

再加曰吉月令辰乃申爾服敬爾威

儀淑慎爾德衍壽萬年永受胡福

辰子丑之類猶言日矣上云令月吉日此云吉月令辰互

文也言儀言德兼外內而言胡大也猶達也

三加曰以歲之正以月之令咸加爾服

兄弟具在，以成厥德。黃耆無疆，受天之慶。

耆音苟。正謂冠年也。稱歲正，不言吉日。

亦互文。兄弟通親疎而言。黃耆，壽徵也。爾雅云：黃髮兒齒。又云：黃耆，壽也。耆者，面似凍梨之色也。疆，竟也。此以上歷言加冠之辭，皆本於德。

以及其福也。

右加冠。

一布冠，陳綈纁。二將冠，設綈纁。三始加冠服。四再加冠服。五三加冠服。

筵於戶西南面。

此章序賓醴冠者，而先言布筵也。筵之者，亦主人之贊者筵之也。戶，西室。戶，西也。下記醴于客位，在

室戶西是也。

贊者洗于房中，側酌醴，加枌覆之，而葉。

此以下言酌醴而拜受也。贊者，洗訖

乃酌于房中，舊乃謂房中之洗，在北堂。而室東隅，贊者房中北

面盥，非也。側，猶側尊之側。言特有酌之人，別無薦之人也。枌，以扱

醴。小曰柄，大曰葉。而猶前也。贊，酌之者。賓尊不入房也。疏曰：洗

注謂盥而洗爵也。凡盥有不洗爵，洗爵者必先盥也。酌謂酌醴薦

謂薦脯醢也。贊者酌醴下文薦脯醢，還是酌者薦之。猶昏禮醴婦

贊酌亦是贊薦故云側也。此授賓與昏禮授主人皆面葉而聘禮

面枌以授公者，此以賓尊不入戶。贊者面葉以授賓，故賓得面枌

以授冠者，而冠者得面葉以扱祭也。昏禮亦以主人尊不入房，贊

者面葉以授主人故主人得面枋以授賓賓得面葉以扱祭也至
聘禮君尤尊宰夫不迎授公醴而側授公則公還面枋以授賓而
者乃面葉以扱賓揖冠者就筵筵西南面賓受醴于戶東加枋面
醴矣故異也

枋筵前北面

枋皮命反。戶東室戶東也冠者筵于戶室西賓自
至房戶取醴而酌者出戶向西以授也筵前北面者

虞立以待冠者

冠者筵西拜受觶賓東面答拜

注曰筵西拜蓋南
面拜也賓還答拜

也今文防爲柄于西序之北東面而不北面者明成人與爲禮異于答主人也疏
曰注云筵西拜南面拜也者上云冠者筵西南面是也云賓東面
在西序者上與主人相對位于西序是也云與成人爲禮異于答
主人者按鄉飲酒鄉射賓于西階北面答主人拜今冠者南面拜
賓東西答之明成人始與爲禮耳故特異于北面答主人也昏禮
聘禮禮賓皆云拜送此但答拜不拜送者彼醴是主人之物故拜
送此醴非賓物故但答拜也愚按言拜送者敬彌加薦脯醢冠者
但言答拜者敬稍次亦明與凡賓主拜送者稍異也

卽筵坐左執觶右祭脯醢以枋祭醢三興筵末坐啐醢建枋興降

筵坐奠觶拜執觶興賓答拜

啐七內反捷初洽反。此言薦脯醢
而祭啐且拜也薦進也脯寔實醢豆

實即就也。右執觴為祭以右也。祭者祭于脯醢之豆間以敬始為飲食之人也。啐嘗之也。嘗而不飲食者明以教敬不主為飲食也。猶嘗之者成賓意也。筵末謙之也。受相拜。啐又相拜敬之至也。提網扱網于醴中也。奠停也。疏曰祭醴三者畧如昏禮始扱一祭又扱再祭也。

本記醴辭曰甘醴惟厚嘉薦令芳拜受祭之以定爾祥承天之

休壽考不忘

嘉美也薦謂脯醢也令善芳香也謂作之依時依法使芳香而善也不忘所以勉之也此特言醴辭

終禱其福而歸于德也

右賓醴冠者

一布筵一酌醴三薦脯醢

冠者奠觴于薦東降筵北面坐取脯降自西階適東壁北面見于

母見音現下見于兄見贊見姑見母兄君贊見同。注曰薦東薦左也凡奠爵將舉者于右不舉者于左適東壁者出闔門也時

母在闔門之外禮凡婦人入廟山闔門疏曰云薦東為薦左者據南面為正也將舉者奠于右若鄉飲酒鄉射是也不舉者奠于左

此文及昏禮是也。云婦人入廟由闕門者，雜記夫人奔喪入自闕門，升自側階。使注云：宮中之門曰闕門，為相通者也。愚按鄭注云：適東壁者，出闕門也。蓋指宗廟之闕門而言，故其下云：時母在闕門之外。禮婦人入廟由闕門也，而雜記注乃云：宮中之門曰闕門，為相通者也。則又似宮中之側門曰闕門，與廟相通何耶？考周制宗廟在宮室之東，周禮肆師所謂左宗廟是也。則適東壁者，正出宗廟之闕門，適宮室之東壁，而雜記之注殆失之矣。豈宗廟與宮室各緣以周垣，而其門皆曰闕門，故宗廟與宮室得互言之與？母拜受，子拜送，母又拜。又拜者，禮婦人于丈夫，必使拜，雖其子猶然也。

右冠者見母

一見母，二拜受。

賓降，直西序東面，主人降，復初位。

復初位，謂東序西面也。初，迎賓主人升立序端，西面賓西序。

東面是也。其位為字冠者也。

冠者立于西階東南面，賓字之。冠者對賓字之者，

義云：既冠而字之，成人之道也。是也。對辭未聞，下有賓祝辭而已。疏曰：此見母訖，乃字之。冠義先云冠而字之，次乃云見于母者，先見母是正禮。冠義退見母于下，使與兄弟等拜文相近。賓出，主也。未字先見母，字訖乃見兄弟等者，急于母，緩于兄弟也。

人送于廟門外

出者冠事畢也。不請醴賓賓禮辭許賓就次。次者出門外。

史衣處也。周禮掌次掌為之。下文見君畢乃醴賓而先見諸醴賓

門外。

之文于此者事並行不相悖也。注曰醴當作禮疏曰上文酌醴受醴等為上下之禮即從醴字不破之若禮賓皆取相禮為義周禮大行人上公再裸侯伯子男一裸天子禮諸侯用鬯不云鬯賓明以醴禮賓不得即為醴故破從禮也。次者舍之名以行禮衣服與常服不同故其始入于次更衣而此就之也。

本記字辭曰禮儀既備。今月吉日。昭告爾字。爰字孔嘉。髦士攸

宜。宜之于假。永受保之。曰伯某甫。

備叶筆力反。字叶音滋。嘉叶居之反。假古雅反。叶音古。

昭明也。爰于孔甚也。髦俊也。攸所也。假大也。明非偶宜而已。猶言幣無不宜也。伯仲叔季長幼之稱。此舉其長曰伯某甫。故下文又以仲叔季明之。甫

或為父是丈夫之美稱。仲叔季唯其所當。唯其所當者如仲則某甫也。此即上字辭而申之也。疏曰殷道質二十為字之時

兼伯仲叔季呼之。周道文二十為字。未呼伯仲至五十乃加而呼之。檀弓云五十以伯仲。周道也是也。通解曰按檀弓孔疏人

生二十冠而加字。如曰伯某甫是也。至五十艾耄轉尊則又舍

某字而直以伯仲別之
與賈疏不同疑孔疏是

右字畢寶退

一字冠者二送
寶三請禮寶

冠者見于兄弟兄弟再拜冠者答拜

疏曰兄弟位在東方冠者蓋東面拜之

見贊者

西面拜亦如之

贊者寶之類位在西方故冠者西面拜之也如之者亦贊者先拜冠者答之也至此乃拜贊者後賓

出也其出亦

入見姑姊如見母

入者由廟入寢門也如見母者冠者亦比面見之姑與姊亦俠拜也

疏曰不云見父見賓冠畢已見也見母見兄弟見贊見姑姊獨不見妹者以其妹卑于姑姊也愚按弟亦皆見見姊不見妹蓋亦

省文乃易服服玄冠玄端爵弁莫華見于君

華作贊下同易服不用朝服者非朝事也不

仍爵弁者爵弁亦助祭之服不可服以見君卿大夫故服玄端也

且華雖也吳置也凡經直云玄端則兼玄冠矣今兼云玄冠玄端

者以初冠特服玄端為緇布冠而緇布冠既冠則不服故宜服玄冠配玄端也衣各玄端以其正幅也六冕服皆然而不皆名端樂

記云魏文侯端冕

遂以華見于鄉大夫鄉先生

鄉大夫謂諸侯之鄉大夫天子六鄉

而端古樂是也

諸侯三鄉其長名鄉大夫也鄉先生謂鄉之鄉大夫士致仕者鄉大夫為父師士為少師通名先生即鄉飲酒鄉射之先生也

右徧見內外

一見兄弟二見贊者三見姊妹四見君五見鄉大夫先生

乃禮賓以壹獻之禮

壹獻者主人獻賓與相酬酢而已無主婦亞獻以下也凡士禮一獻鄉大夫則三獻賓禮

不用相者涉其禮也內則曰飲重醴清糟凡醴事贊者用糟文者皆用清也疏曰士禮一獻若此士冠禮及昏禮鄉飲酒禮鄉射禮

皆是也鄉大夫三獻若左傳季孫宿如晉晉侯享之有加邇武子使行人辭曰小國之事大國不敢求貺得貺不過三獻是也

人云上公享禮九獻侯伯七獻子男五獻則大夫三獻士一獻亦其差矣主人酬賓束帛饔餼皮饔音麗

酬者以財申厚意也束帛十端也凡言束者贊者皆與贊冠者為無問脯與餼皆以十為數饔餼皮兩鹿皮也

贊者皆與贊冠者為介與去聲贊者衆賓也皆與亦飲酒也介者賓之輔也飲酒之介禮賢者為賓其次為介又其次為衆賓疏曰按鄉飲酒禮賢

為賓次為介又次為衆賓彼將賓士之禮之次也此賓出主人送

于外門外再拜歸賓俎歸者使人歸諸賓家也注曰一獻之禮亦有薦有俎其牲未開疏曰有俎必有特

牲鄉飲鄉射用狗冠禮無正文故注云其牲未聞也愚按俎以載牲體而牲體有腥有乾此所歸賓俎即後若不醢以下三醢之乾肉折俎也緣士冠禮多不殺牲故將冠陳脯醢已冠薦脯醢祭脯醢見母降取脯而醢賓歸俎亦此乾肉折俎而已鄭注朝肉折俎云乾肉牲體之脯折其體以為俎是也下經若殺則特豚獻合升疏云上燕子用乾肉以下言燕子殺牲殺言若者不定之辭示與不殺俱得也前後經文并注疏其言之悉如此而此條注乃云一獻之禮有薦有俎其牲未聞疏亦云有俎必有特牲何也夫殺則用特豚之牲升諸俎而不殺則用牲體之脯為折俎義蓋甚明且烹而升俎在周禮之享人庖人諸職而乾而為折俎在膳人職考膳人職云掌乾肉凡田獸之脯腊臠脾之事其所掌首言乾肉者即此所乾之牲體而又言凡田獸之脯腊臠脾者乃指所乾之野獸義又甚明也而注疏顧多率為之詞者何哉學者于注疏別其紛亂以得其精純則幾矣

右禮賓

一禮賓二醢幣三禮賓四送賓五歸俎

若不醢則醢用酒

醢于召反。酌酒而無醢酢曰醢。注曰若不醢謂國有舊俗聖人用焉不改也曲禮君子行

禮不求變俗祭祀之禮居喪之服哭泣之位皆如其國之故謹修其法而審行之是也疏曰按上文適子冠于阼三加訖用醢醢于

戶西南面之客位是周法若不醕則醕用酒蓋先王法矣故注云若不禮謂國有舊俗聖人用焉不改也聖人謂周公舊俗謂夏殷之禮也上文用醕亦無酢醕而不言醕者醕是太古之物質本無酢醕用酒合有酢醕而無酢醕故特名醕也愚按此若不醕及下文若殺皆禮之變注謂國有舊俗聖人用焉雖非經意其義猶可通而疏家硬指上為周禮而以下為夏殷之禮則曲矣蓋用酒禮盛于醕殺牲禮盛于脯醢折俎而冠禮不以盛禮先之者聖人于始冠示以淳古之意即始加用緇布冠之意也其又及于用酒殺牲者則權也夫拜下改為拜上聖人雖違眾而不從其泰若麻冕改純則聖人亦以無害于禮而從之若不醕若殺意亦如此若如疏者之說則夏尚忠商尚質而反謂其文勝于周也豈理之所可通哉用醕無酢醕而醕用酒亦無醕酢者猶用醕之意也其醕資一獻之禮有酢醕者注謂醕冠者用醕為醕醕資不用醕為清醕內則重醕清醕質者用醕文者用清也觀此則其不得硬謂質為周而文為夏尊于房戶之間兩甒有禁玄酒在西加勺南枋房戶設抑又明矣尊于房戶之間兩甒有禁玄酒在西加勺南枋房之西室戶之東也明與醕之尊于房中西墉稍北者異也兩甒明非側尊矣禁承尊之器名為禁者因為酒戒亦明與無禁者異也。注曰玄酒謂水也雖今不用猶設之者不忘古也疏曰醕不言禁醕非可飲而醕故不設戒酒飲之矣故因禁之也玄酒亦為

禁者因酒而及之也洗有篚在西南順洗謂庭洗當東榮者也篚亦以盛勺
省文篚陳于洗西云南順者注謂北爲上也則與服北之篚南爲
上者異矣疏曰注云篚亦盛勺解者禮尊在房中庭洗無篚此用
酒故庭洗有篚篚在房以盛勺綴庭洗如之故云亦也設洗法
在設篚之前此洗亦設在前故此直言洗有篚在西不言設也
始加醺用脯醢賓降取爵于篚辭降如初始加卽醺用脯醢者明
乃一醺者異也賓降取爵者其加冠于東序醺于戶西則同但前
醢在房贊者酌授賓此則爵在庭酒在堂賓將自降洗以酌矣解
降如初者謂如將冠時賓降盥辭主人之隨而降也疏曰解降
注謂如賓降盥辭主人之降者上用醢之禮直有將冠時賓降盥
而無賓降取爵之文以醢在房贊者酌之也則如初爲如賓降盥
之等明矣若脯醢則用醢用酒皆出自東房鄉飲酒鄉射特性少
牢薦皆出自東房卒洗升酌冠者拜受賓答拜如初如初者謂贊
是也故經無異文
賓升揖冠者就筵乃酌而其時冠者南冠者升筵坐左執爵右祭
而拜受賓授爵東南各拜並如醴禮也
脯醢祭酒興筵末坐啐酒降筵拜賓答拜升筵謂冠者立俟賓命
賓揖之乃升東序之筵

也與醴子揖就筵微異一祭酒亦與其祭醴三異降拜乃奠爵又與奠解拜異也。疏曰此用酒雖與用醴不同而其禮畧同但彼入房易服訖出房立待賓命此則醴訖立于席西待命爲異耳。禮禮賓與聘禮禮賓皆在西階上啐醴與此異者昏禮注云此筵不主爲飲食起也聘禮注云醴醴不啐故也。冠者奠爵于薦東立于筵西微薦爵筵尊

不徹徹薦與爵者避後加也不徹筵尊者再加三加相因也加皮弁如初饌再醴攝酒其他

皆如初攝酒未詳註謂猶整也有司徹司宮攝酒注云更攪加爵授添益之整頓示新也再加皆如初惟攝酒異也力

弁如初儀三醴有乾肉折俎齊之其他如初折之設反。牲體乾

俎曰折俎周禮腊人掌乾肉羞先豚解爲七體以乾之及將升于

俎則節解爲二十一體與燕禮同總名乾肉折俎也三加亦如初

惟乾肉折比面取脯見于母用酒取脯與用醴取脯無異又言之

者疑用酒有乾肉折俎或取之也但

云取脯見于母他不言者明適東壁俠拜皆同不待言矣

本記醴辭曰旨酒既清嘉薦實時始加元服兄弟具來孝友時

格永乃保之

直丁但反○直誠也時猶宜也元亦首也或曰始也善也來猶在也爾雅善父母為孝善兄弟為友

時是也格至也欲其至于孝友也永長也保安也守也○按加

冠祝詞醴與醢一也至醴詞與醢詞則有異者醴詞三加訖總

為一章但言醴惟厚而已醢詞則每加各一章通言酒既清酒

既清酒合芳以申之其文質固判矣又其為義醴詞亦但言承

休清考而醢詞則本之孝友時格繼以承天之祐而後終之受

福無疆也斯其本末交至又何如者哉然則諸禮乃由正而變

由質而文而舊反以用醴為周法用酒為夏殷法也則失質文之尚而義疎矣故申辯之再醢曰旨酒既清

嘉薦伊脯乃申爾服禮儀有序祭此嘉爵承天之祐

清思呂反祐音戶○

清酒之稱伐木詩有酒清我漑云漑舊之也鳧鷖詩爾酒三

既清注云漑酒之漑者是也但惟也祭祭豆間也祐福也

醢曰旨酒令芳邈豆有楚咸加爾服有升折俎承天之慶受福

無疆

旨美也楚陳列之貌楚茨詩邈豆有楚是也○注曰有升

折俎謂豚也疏曰即謂折上若殺之豚也愚按有升折俎

通承上乾肉折俎及下特豚折

俎而言注疏偏指若殺者非

冠禮 卷一 三

右醺用酒

一尊洗異禮二始加異禮三再加異禮四三加異禮

若殺則特豚載合升離肺實于鼎設局

鼎古蠶反鼎亡歷反○自此至取遵肺以降序

醺下殺牲之儀也○注曰特豚一豚也黃于錢曰亨在鼎曰升在

俎曰載載合升者凡牲皆用左胖此則左右胖皆升而載之也離

割也割肺者使可祭也可膾也凡此皆明與用醴若用酒者異也

疏曰鼎載覆也以茅覆鼎束而編之也局鼎扛也冬官匠人廟門

容大局七個圍門容小局三個注云大局牛鼎之局長三尺小局

豚鼎之局長二尺皆依漢禮言之今豚鼎當用小局也按昏禮特

豚合升側載特牲禮卒載加七于鼎少牢禮司馬升羊實于一鼎

皆是在鼎曰升在俎曰載之文但在鼎直有升名在俎則升載兩

稱少牢升羊升豕皆云載右胖有司徹乃升注亦云升牲醴于俎

是在俎有升載二名也凡肺有二種為食曰舉肺為祭曰祭肺離

者割離之而不絕其心少儀云始醺如初始醺如初者明與不殺

三牲之肺離而不提心是也始醺如初而醺用酒者其始醺同

也再醺兩豆葵菹羸兩遵栗脯再醺則增二豆二遵者為殺牲盛

饗人所異于不殺用酒之再三醺攝酒如再醺加俎臠之皆如初

醺者惟此他蓋如初可知矣三醺攝酒如再醺加俎臠之皆如初

臍肺攝酒如再醺如不殺而醺用酒者之再醺也皆如初則其加
醺三醺皆與上章不殺相比文義甚明注疏誤解攝酒如再醺再
如本章之再醺而因謂本章再醺亦攝酒上章三醺亦攝酒皆互
推可知又妄破臍肺為祭肺如上章初醺之祭肺醺而祭誤為臍
也其處不干倫而失經義甚矣絕傳通解亦取其失故謹正之
卒醺取還肺以降如初○此取以降亦適東壁以見母故曰如初也
肺醺而已若殺則特云兩豆兩還故云還肺也
殺有組肉而亦但取還肺者凡皆見其得禮耳

右殺牲一殺牲實鼎與禮二始醺同禮三再
醺異禮四三醺異禮五卒醺同禮

若孤子則父兄戒宿此序士無父者加冠之儀也幼而無父曰孤父兄謂諸父諸兄也○疏曰孤子亦冠于阼

階禮于客位其用醢用酒不殺與殺亦皆因宜用之此父兄戒宿以下經言其與上異者而已冠之曰主人紒而

迎賓拜揖讓立于序端皆如冠主禮于阼主人即謂將冠者冠主謂冠者親父若宗兄○

疏曰紒而迎賓者紒即上采衣紒但為主人則異也皆如冠主者拜揖讓如冠主即主先拜賓答拜揖讓而入廟而至階而升堂也

立序端如冠主即主立東序端賓立西序端也又云禮于阼者
孤子不如有父者禮于筵西別言其異者也今文禮作醴鄭不從
今文者以言醴則不兼于凡拜北面于阼階上賓亦北面于西階
醴言禮則兼醴醴二法也
上答拜疏曰云凡拜者謂初拜至及酢拜等其時賓主皆北面與父在特拜於筵西南面賓拜于序端東面為異也若
殺則舉鼎陳于門外直東墜北面直當也謂于廟門外之東壁鑊
鼎皆北向列之也○注曰陳于門外謂孤子得申禮盛之處凡豚魚腊
上文直云若殺特豚載合升耳不云陳于門外今孤子乃舉鼎陳
于門外故云盛之也凡
陳鼎在外者為盛也

記曾子問父沒而冠則已冠掃地而祭於禰已祭而見伯父叔

父而后饗冠者饗謂禮之也

右孤子一戒宿異禮二迎賓異禮三凡拜異禮四陳鼎異禮

若庶子則冠于房外南面遂醴焉此序庶子加冠之儀也○注曰房外謂尊東也不于阼階明非

著代也不醺于客位成而不尊也疏曰按鄉飲酒陳尊在房戶之間賓在其東今陳尊如鄉飲酒明房外乃尊東也冠義云適于冠于阼以著代也醺于客位加有成也庶子因冠于房外遂醺焉非著代故成而不尊也

右庶子

冠者母不在則使人受脯于西階下此序母不在而加冠之儀也不在謂有故也○疏曰按內則舅沒則姑老若死當云沒不得云不在且母死則不得使人受脯今言不在者母或歸寧或疾病也使人受脯為母生在于後見之也

右母不在

義記冠義凡人之所以為人者禮義也

此首揭禮義以禮義之為一篇之綱也

始在于正容體齊顏色順辭令容體正顏色齊辭令順而后禮

義備

承上言欲備禮義以容體顏色詞令為始也

以正君臣親父子和長幼君臣正

父子親長幼而后禮義立

又承上言禮義備于三者而后君臣父子長幼之道乃盡也立猶成

也故冠而后服備服備而後容體正顏色齊辭令順故曰冠者

禮之始也是故古者聖王重冠

因言冠服未備未可以容體顏色詞令求之也况君臣父子長

幼之大乎此以上總發之也

古者冠禮筮曰筮賓所以敬冠事故冠事所以

重禮重禮所以爲國本也

此以下遞發之也國本謂國以禮爲本也

故適于冠于阼

以著代也醮于客位加有成也三加彌尊喻其志也冠而字之

敬其名也

著張應反○阼謂東序少北近主位也著代者著其代父也客位謂戶西也加嘉同或曰卽三加之加也

適于冠于階醮于戶西醮用酒亦如之若庶子則冠于房戶外

因醮焉凡以嘉之也喻曉也初加緇布冠次加皮弁次加爵弁

每加益尊志益大所以喻曉之也敬猶重也未成人呼名至是有成矣故重以未成人呼之而字之也見于母母拜之見于兄弟兄弟拜之成人而與爲禮也玄冠玄端莫鞶于

君遂以犛見於鄉大夫鄉先生以成人見也

母亦拜之所謂與為禮也孔疏謂廟

中冠子以酒脯奠廟訖子持所奠見于母母重其奠從尊者來故拜之非拜子也此別是一說附存之

成人之者

將責成人禮焉也責成人禮焉者將責為人子為人弟為人臣

為人少者之禮行焉將責四者之行于人其禮可不重與

行下孟反

○此以下總結之也言重冠禮而後可責以禮行也

故孝弟忠順之行立而后可以為人

可以為人而后可以治人也故聖王重禮故曰冠者禮之始也

嘉事之重者也

言禮行立而後可自治以治人也嘉事嘉禮也

是故古者重冠重冠故

行之於廟行之於廟者所以尊重事尊重事而不敢擅重事所

以自卑而尊先祖也

治直吏反○言冠禮之所係者重故以尊祖之義臨之也

○家語懿子

曰始冠必加緇布之冠何也孔子曰示不忘古也大古冠布齊

則緇之其綏也吾未之聞也今則冠而敝之可也

綏如誰反○此邾君將冠

使因孟懿子問禮於孔子而終及之也注曰唐虞以上曰太古重古故始冠冠之也雜記云大白冠緇布冠不綏大白卽白布冠今喪冠也齊則緇之者鬼神尚幽闇也綏纓飾太古質蓋皆無飾矣怪時人之用綏故云未聞也敝棄也後世用爲齊冠但始加暫用冠畢則置之疏曰皇氏云齊則緇之謂祭前耳祭時自著祭服有虞氏皇而祭是也太古吉凶同服三代改制齊冠有牟追章甫委貌則以白布爲喪冠當自夏以下也冠而敝之據士而言若庶人則猶著之詩云彼都人士臺笠緇撮是庶人緇冠籠髮爲常服也懿子曰三王之冠其異何也孔子曰周弁殷髀夏收

一也三王其皮弁素積委貌周道也章甫殷道也毋追夏后氏

之道也

毋況甫反○周弁殷髀夏收卽三加爵弁之冠三王皮弁素積卽再加之冠委貌章甫毋追卽始加緇布之冠

○注曰弁各出于繫繫大也言所以自光大也髀各出于幘幘覆也言所以自覆飾也收言所以收斂髮也皮弁質不變委貌或謂爲玄冠委猶安也言以安正容貌也章明也甫或爲父言以表明丈夫也毋發聲也追猶堆也以形名之也其制之異同

並未聞疏曰三加冠三命以下齊祭同冠若四命以上齊祭則
異再加冠自天子達于士三代無改始加冠蓋委貌儀禮記稱
玄冠故云或也蓋養老燕飲燕居之服通解曰按此章見
家語冠頌與儀禮所記郊特牲公冠篇多同家語爲長

大夫冠禮

儀禮之闕甚矣若大夫本無冠禮不得云闕也而
今復記大夫冠而附考于左者以自幼爲大夫則

卽假士禮行之也然則
大夫無冠禮益明矣

本記無大夫冠禮而有其昏禮古者五十而后爵何大夫冠禮

之有

注曰周初年未五十而有賢才者雖試以大夫猶服士服
行士禮二十而冠急成人也五十乃爵重官人也若大夫

或時改娶則有昏禮疏曰二十已冠訖五十乃爵命爲大夫故
大夫無冠禮通解曰按疏引喪服大夫爲兄弟之長殯降服小
功之文見大夫而有兄殯則知其身與兄皆未二十矣是不必
五十乃爲大夫也賈意當如此而詞不明故爲發之然此亦謂
繼世爲大夫者耳非謂以
賢才而選爲大夫者也

考國語晉趙文子冠見欒武子武子曰美哉昔吾逮事莊主華

則榮矣實之不知請務實乎

文子名武趙盾之孫趙朔之子冠謂以士禮冠也武子名書禮既冠

莫贊于君遂以贊見於卿大夫先生故見之也美哉美其成人也莊趙朔益大夫稱主朔嘗將下軍樂書佐之故云逮事也榮

美也謂華美而不實也

見范文子文子曰而今可以戒矣夫賢者寵至而

益戒不足者為寵驕故興王賞諫逸王罰之先王疾是驕也

文子

范變也逸猶活也荒也實諫戒也罰諫驕也先王即興王

見韓獻子獻子曰戒之此謂成人

成人在始與善始與善善進善不善茂由至矣始與不善不善

進不善善亦茂由至矣如草木之產也各以其物人之有冠猶

宮室之有牆屋也拱除而已又何加焉

獻子韓厥也茂無也善進善者善而益進于善

也物類也糞除喻自修潔也如是而道無加矣

見智武子武子曰吾子勉之成子之文

宣子之忠其可忘乎吾子勉之有宣子之忠而納之以成子之

文事君必濟

武子荀首之子荀罃也濟成也

見張老而語之張老曰善矣從

伯之言可以滋范叔之教可以大韓之戒可以成物備矣志在

子智子之道善矣是先主覆露于也

張老張孟也物事也人事已備能行與否在子之志

也道訓也先王謂成宜露訓也

諸侯世子之屬冠禮

說見下王世子冠禮

諸侯世子與庶子冠如王世子庶子之禮

雖天子之元子猶士也則王侯之子無異明矣

諸侯冠禮

王侯古亦無冠禮夏末始有之然經皆闕矣今謹參家語大戴禮補于左

諸侯冠卿為賓公自為主迎賓揖升自阼立于席北

士冠父若兄為主而此自

為主者父沒乃嗣世而諸父諸兄又不得為君主也賓冠四加玄

升乃升自阼者卿故臣也○注曰席云北者公堂深也

端與皮弁皆朝服素鞵玄冕祭此條諸本多異大戴禮作公玄端與皮弁皆鞵公冠四加玄冕祭家

語作諸侯玄冠與皮弁異朝服素韞公冠四加玄冕祭○鄭注大
戴曰四當爲三玄當爲袞字之誤也孔疏曰諸侯四加則天子當
五加而袞冕也通解曰大戴作公玄端與皮弁皆韞無異字疑家
語異字或是皆字又按公冠四加本文但言玄端皮弁而不言爵
弁則鄭說三加爲是但諸侯玄冕以祭當從本文不得改玄爲袞
耳蓋惟王三加爲袞冕與愚按本條諸本舛誤通解參校爲得之
或曰天下無生而貴者雖天子之元子猶士也爵弁士服王侯皆
然不待言惟玄端皮弁二者皆朝服與士玄端爵韞不同故
言之耳則四加之文蓋非誤也既冠裸享節以樂三醴賓無介無
異字當是畢字之誤畢猶皆也

樂皆玄端既醴降自阼

君尊故有樂賓無醴

醴子無樂者異也君祔享

主人朝服此則皆玄端者蓋士禮服朝服無君臣之嫌諸侯非公
而諸侯禮服朝服則嫌君臣矣賓降自阼亦不當賓也諸侯非公
而自爲王者其所以異皆降自西階也此明公以下賓降西階特異
酬幣則束帛乘馬君尊故與士冠束帛儼皮異也其餘如士禮上

所不見者也

王世子之屬冠禮

王侯世子冠禮並闕今亦參家語大戴禮補于左

王世子與庶子冠皆自爲主其禮與士無變也饗侑賓皆如之

皆自爲主其禮與士無變也饗侑賓皆如之自
主者君爲世子冠疑君爲主君尊不與卿爲賓主也侯王自冠得
與卿爲賓主者方冠故耳其禮與士無變則世子冠于阼庶子冠
于房外亦可知饗賓皆如士
對君饗賓異于士而言也

王冠禮

說見諸侯冠禮

王冠加以袞冕係如諸侯冠之禮

記家語邾隱公既卽位將冠使大夫因孟懿子問禮於孔子子

曰其禮如世子之冠雖天子之元子猶士也其禮無變天下無

生而貴者故也

此首言諸侯如世子之冠其禮猶士而別無冠禮也

懿子曰天子未冠卽

位長亦冠乎孔子曰古者王世子雖幼其卽位則尊爲人君人

君治成人之事者何冠之有

此因言天子之未冠卽位而不更行冠禮也

懿子曰然

則諸侯之冠異天子與孔子曰君薨而世子主喪是亦冠也已

人君無所殊也

此因言諸侯之未冠卽位而亦不更行冠禮也以上下文推之蓋古王侯年幼嗣位卽尊爲人

君因喪以冠而已其夏末有諸侯之冠禮而周初周公又特爲王之冠禮者蓋因後世不明君臣上下之義而特以禮示之史

然曾子問因喪以冠者除喪則不改冠雜記大小功之喪其末乃可冠于曾既葬未除喪而周公顧奉成王而冠之乎此文恐

有傳疑或曰此時蓋亦因喪而冠耳

懿子曰今邾君之冠非禮也孔子曰諸侯之

有冠禮也夏之末造也有自來矣今無譏焉

造作也此因言諸侯有冠禮之始也

天子冠者武王崩成王年十有三而嗣立周公居冢宰攝政以

治天下明年夏六月既葬冠成王而朝于祖以見諸侯示有君

也

此因言天子有冠禮之始也

周公命祝雍作頌曰達而勿多也祝雍辭曰

使王近于民遠于年嗇于時惠于財親賢而任能其頌曰令月

吉日王始加元服去王幼志心是袞職欽若昊天六合是式率

爾祖考永永無極此周公之制也雅祝官名近親遠永貴愛惠施也元首也心念也此因言

天子冠祝頌之詞之始制也懿子曰諸侯之冠其所以爲賓主何也孔子曰

公冠則以卿爲賓公自爲主迎賓揖升自阼立于席北其醴也

則如士饗之以三獻之禮無介無樂皆玄端既醴降自阼諸侯

非公而自爲主者其所以異皆降自西階玄端與皮弁異朝服

素韠公冠四加玄冕祭其酬幣于賓則束帛乘馬天子擬焉太

子與庶子其冠皆自爲主其禮與士無變饗侑賓也皆同此以上因

問賓主而備言王侯及其世子庶子之冠禮與士異同之屬也義皆見前玉藻始冠緇布冠自諸侯

下達從諸侯達諸士始冠皆用之也玄冠朱組纓天子之冠也緇布冠纁綬諸

侯之冠也纁戶內反纁同○亦皆謂始冠之冠也○注曰玄冠委貌也諸侯緇布冠有綬尊者飾也綬或作紼疏曰

諸侯緇布冠雖纁綬爲異其缺項青組纓等皆與士同

考左傳魯襄公九年十二月晉悼公以諸侯之師伐鄭而還宴

於河上問公年季武子對曰會于沙隨之歲寡君以生晉侯曰

十二年矣是謂一終一星終也國君十五而生子冠而生子禮

也君可以冠矣大夫盍爲冠具會沙隨在成十六年一星謂武歲星也十二歲而一周天

子對曰君冠必以裸享之禮行之以金石之樂節之以先君之

祧處之今寡君在行未可具也請及兄弟之國而假備焉晉侯

曰諾公還及衛冠於成公之廟假鐘磬焉禮也注曰裸謂濯鬯辛祭也行將也

金石鐘磬也。祧謂諸侯始祖之廟。成公衛獻公之曾祖。備具也。愚按君冠行裸享之禮。節以金石之樂。蓋人君所以異于大夫士與。而家語大戴禮不及此。當補參之也。或曰亦春秋以後之禮耳。

冠遭喪禮

闕今採禮記曾子問等篇補之并記其餘于後云

凡冠子冠者至揖讓而入。聞齊衰大功之喪。內喪則廢。

冠者謂賓及贊也。

注曰內喪同門者也。廢者俟喪成服因喪而冠。愚按此亦謂大夫士冠也。王侯則絕旁期之喪矣。

外喪冠而不醴。

徹饌而埽。卽位而哭。如冠者未至。則廢之。

注曰不醴不醢于也。疏曰加冠在廟。廟在大門之外。吉凶不可同處。故聞內喪則廢。若大門外之喪。喪在他處。可

加冠也。但既不醴于。則餘禮皆止。其醢及饌具已陳者。今皆徹去。埽除冠之舊位。更卽位而哭。亦哀喪之禮。然也。如賓贊不至。則亦直廢而不冠矣。

右廢冠

如將冠子。未及期而有齊衰大功小功之喪。則因喪服而冠。

注曰及至

也因喪服而冠者廢吉禮而因喪服之喪冠以冠之也愚按云將冠子者蓋時已筮日戒賓也但其期未及耳此所以冠不終廢而因喪而冠也令非將冠有期則待除喪時乃可以吉禮行之雜記云大小功之末可以冠者蓋大小功乃輕喪故姑為僅可之詞若齊衰之重喪則斷不可矣故雖下因喪以冠者雖三年之喪可也賜降齊衰為小功者亦不可也

既冠于次入哭踊三者三乃出注曰非其冠月待除喪而冠疏曰知非冠月則除喪而後冠者凡冠

用三月夏小正二月較多士女是也非其冠月則不因喪而冠故待除喪也愚按因喪冠雖三年亦可而用吉禮則非大功以下不可者蓋冠以二月非其月則直須踰年乃可故其時輕喪之末可假用吉以通其窮而重喪則但可因喪不可假吉也後世不審此而因喪與用吉之禮胥廢矣

記曾子問曰除喪不改冠乎孔子曰天子賜諸侯大夫冕弁服於太廟歸設奠服賜服於斯乎有冠醺無冠醺注曰冠禮醺重而醺輕此服賜服但醺用酒而不醺明不為改冠也若改冠當醺之疏曰諸侯大夫未冠至當冠之年因朝天子天子賜之或弁或冕之服於

太廟之中歸卽設奠祭于已之宗廟服所賜之服其時但酌酒
醑之以榮君賜而更不用醴酬酢以禮之以見因喪而冠除喪
不更改爲吉冠也用醴是古之法故
爲重醑用酒是後代之法故爲輕

雜記大功之末可以冠子可以嫁于小功之末可以冠子可以
嫁子可以取婦小功既卒哭可以冠取妻下殤之小功則不可
末謂喪期已過半而將終也將小功之末之上有父字于義未
明以爲及張子參之此父字蓋衍故刪之既卒哭猶言末也小
功五日以卒哭則亦將終矣變文也冠于嫁于娶婦皆謂子也
冠取妻謂已也取婦惟小功之末乃可而大功之末不可者以
取婦燕然喜樂非冠于嫁于比也小功之末豈惟爲子冠娶可
卽爲已冠娶亦可若下殤之小功則不可者下殤小功正服乃
齊衰之喪其倫本重故其降在小功
雖卒哭不可蓋必除喪而後可耳

右因喪而冠

女筓禮

女之有筓禮猶男之有冠禮也其
禮闕今採雜記曲禮補記于左

記雜記女子十有五年許嫁笄而字

許嫁笄若字蓋猶士之雖二十而冠禮之正也

未許嫁年二十而笄禮之婦人執其禮燕則饔飧

饔音權○未許嫁而笄禮

之權也○注曰雖未許嫁年二十亦為成人矣故亦以笄禮行之疏曰賀場云十五許嫁而笄則主婦為之著笄而女賓以醴禮之未許嫁而笄則但婦人禮之無女賓不備儀也燕則卷首者既未許嫁雖已笄猶以少者處之故尋常燕居則復去笄而分髮為髻紒也通解曰賀說得之然有未盡許嫁笄則主婦戒外姻為女賓使之著笄而遂禮之未許嫁而笄則不戒女賓而自以家之誼曲禮女子許嫁笄而醴之稱字醴見祖廟未毀教婦行笄禮也

于公宮三月若祖廟已毀則教于宗室

注曰祖廟謂女高祖為君者之廟以與君有總

麻之親故就公宮教以婦德婦言婦容婦功也宗室謂大宗之家疏曰經直云祖廟鄭知是女高祖為君者之廟與君有總麻之親者諸侯立五廟大祖之廟不毀餘親廟四以次毀之其承高祖是總麻之親若其曾祖是小功之親其祖是大功之親其祖是齊衰之親凡此皆教于公宮言總麻者舉最疏而言則親者可知也婦德婦言婦容婦功見昏義云宗室為大宗之家者

記云別子爲祖繼別爲宗別子之適長族人宗事之故謂之大
宗教于其室者高祖之廟既毀與君絕服故皆于此敬之也餘
小宗有四或繼祧或繼祖或繼曾祖或繼高祖此等至
五代皆遷故謂之小宗文不就之教者小宗卑故也